

大元聖政國朝典章

吏部卷之七

典章十三

公規一

座次 署押  
掌印 公事

罰俸

的決

七下

一十七

應係有得

官吏人等

無故勾當

不聚會

各廳長官

專一提調

嚴切首領

官吏須要

盡職奉公

幹辦官事

如有違慢

第一次

吏貲

初犯

再犯

第三次

第三次

第三次

第三次

第三次

第三次

已後不改勾當罷了

三犯加一等量事多寡計日  
遠近依上決罰三犯以上除  
名首領官奉行不至者具名  
申省提調官時復通行審校  
廢不辜問者罪亦及之

座次

○

品級

至元五年十一月

中書吏札部據河南府路申摠

官府官座次行移乞明降事照得下項舊例呈奉 都堂鈞旨送吏

禮部准擬行下合屬照會施行奉此省府開坐各座次行移體例  
今後并據各路所申文解年月後豎逐官階銜多有不分品從高下  
一般平分有失上下體例仰依奉省部內處分坐去事理施行內  
一款照得舊例諸外任官每日視事長官正座位式分東西對坐幕  
戕稍却亦分東西對座各入案治事如常依如長官係親王前宰執  
佐貳官以下逆降一等

○官職同官以元氣從征至元七年八月御史臺來申簽事王好礼  
周正散官職位相同未審逐官階位上下排列將王好礼權於孟益  
事元位豎銜却緣周正在先勾當乞照詳事送法司定擬回呈檢會  
到古唐制度該諸文武官朝參行立各依職事官品為序職事同者  
以先授授同者以齒其在本司參集者各依職事文泰和制云諸文  
武官朝參預宴各依職事為序同者以先授授同者以散官為承判  
送檢法同參議得酌古准今直依自來體例其在本司參集各依職  
事官品為序職事同者以先授授同者以散官為承判事官品為序  
先後合令先授者在上以為合禮案臺參詳所獻相應仰照驗施行

# 署押

○**國史館**至元十四年行中書省參照奏降

聖日條畫比附見行格例仰照驗施行

○**京府州縣官**員每日早聚圓坐參政詞訟理會公事除合給假日外毋得廢務仍每日一次署押公座文簿若有公出者於

上標附

○**諸官府**凡有保明官吏推問刑獄科徵差統應支各谷必須圓篆文字有故者非今後非奉上司明文毋得擅自科斂差役如承准上司許科明文須要公廳圓押不得用白帖子科斂差役支遣各谷亦不得用職印行發係官文字勾掛軍民人等

○**官廳**至元二十五年行中書省為鎮江路總管府

忙古互為頑遲帶行移文字不曾簽字推稱去大司農計票公事省府公款得本省府官以下諸官司每日公坐圓押文字理會公事除公差離職外若有時暫差委疾病事故仰令當該令史詣宅書押圓備發行仍置公座簿記錄以備照勘行移各路施行

○**中書省**欽奉

聖日節該文書的檢子寫淨出來听了呵押者外頭出去的文書根底再

觀了交行者麼道

聖旨了也欽此

○**淨檢同方押**至元二十六年八月行御史臺准御史臺咨今

後應行公事先須議定詳看檢目隨即填寫了畢赴首領官處書卷完備對同无差於淨本淨檢上標過對同方許呈押經日多者量給程限並不許將空紙書押及於元草檢上塗注改抹如違初犯罰俸一月再犯二月三犯的決情理重者自從重論咨請依上施行准此

憲臺咨下仰通行照會施行

○**昭信文書圖押**至元二十八年正月行尚書省劄付尚書省咨會

驗在先內外諸衙門凡行文字多不圖簽事有差池皆因此弊自立尚書省以來事无巨細右丞相以下皆須圖押其餘諸衙門尚依前弊若不通行照會深為未便都省除外今後應有大小公事官負別无差故自上至下須要圖簽圖押

○**官吏聚會**至元二十三年二月都省議得本省應係有祿官吏人等今後无故勾當不聚會第一次罰第二次決七下第三次一十七下已後不改勾當罷了者

○**賞罰勸懲聚會**至元二十四年正月福建行省准

中書省咨近有出使人負往來稱說各處總司路府官員日高聚會

未午罷散及因在城一時差委不行署事又有一等官員非時游惰就誤公事都省看詳隨路軍民人匠差統課程刑名詞訟軍須造作一切事務繁劇上下官僚責往非輕理當各各公勤以辦庶事今知日高才散未午休衙不時遊惰豈惟誤事深慮不副

朝廷委任之意為此議得今後隨路大小官員除假日廢務急速公事在此限外每日必須早張離事畢亦防不測緊急事務擬至未時方散若就本點差使依期飛會事許幹所委及不得誤事游惰除已另行條禁外如有違犯除受

命官員取招移咨都省定奪六品以下人員各處總司就便責罰除外咨請照驗依上施行

○**省城官員**諸官府皆須平明治事凡當日合行商議發遣之事了則方散其在都官府六部視省餘視所屬上司若公務急遽及應直宿人員不拘此例

# 掌印

○印信長官中統五年八月初四日 中書省奏奉

聖旨內一欵節設一應京府州縣官凡行文字与本處達魯花赤一同署押仍令管民長官掌判其行用印信達魯花赤封記長官收掌如遇長官公出疾病在假即日牒印与以次正官承權 若無同不得委付私已之人欽此

○印信長官至元元年十一月左三部承奉

中書省札付照得先降

條畫該兩路州府印信達魯花赤封記長官收掌欽此除外今據益都路總管游顯呈凡有課程差發總管府不致遲誤若印達魯花赤封記本官但有事故不在本家急不能用印行發文字見得耽誤以後課程差發詞訟等事省府相度仰行下各處總管府其封掌印信欽依已降

聖旨施行或達魯花赤事故不在遇有緊急公事許令管民官以次官封記當該令史首領官公同開拆行使長官權行封押仍將行過事同候達魯花赤來時却說交知者毋致違錯奉此 欽此

○同定印信大德元年行御史臺劄付據監察御史呈會驗知奉

聖旨條畫內一款隨處達魯花赤九行文字及差發民訟一切大小公事  
與管民官一同署押管領其行用印信達魯花赤收管長官掌判封  
記如遇達魯花赤公出疾病假故牒印與長官却令次官封記公同  
行用不得委付私已之人除欽依外今聞隨路府州司縣例無欽設  
知印其掌印官俱令帶行奴僕人等行使遇有差發勾攝民訟一切  
大小公事使印之人非理刀踴取受錢物或將機密事情因而走泄  
不便悉詳擬令通行禁治今後九行文字止令直日請奉司吏輪流  
行使仍置籍結附以備照刷似望公私便益亦革去擾民之一端也  
憲臺除外仰欽依施行



公事

公事

在都諸司局

十日

催

五日

再催

常事各加事速限五日

外路

五百里外 五百里外 二千里外 三千里外

第一第二三次皆備細緣由隨即應報官司皆行牒到日為始

催限

至都

十五日 三十日 四十日 五十日 七十日 再十日 再二十日 再三十日 再四十日 再五十日

○公事置立局

二教中統二年四月二十日

中書省

奏准

條畫內一款即該置信牌事緣為各路遇有催督差役勾追官吏等事

多用委差官并隨衙門勾當人及曳刺祗候人等投下文字不唯搖

擾民間轉致遲慢官中事務為此擬定今後止用信牌催辦一切公

事據置到信牌編立字號令長次官園卿於長官廳示封錄收掌如

總管府行下州府科催差發并勾追官吏等事所用信牌隨即附簿

抄連文字上明標日時定立信牌限次廻日勾銷并照勘稽遲限次

究治施行若雖有文字無信牌或有信牌無文字並不准用廻日即

依本入齊擊前來赴總管府當廳繳納當該司吏不得一面接受文

陳如違究治據州府行下司縣司縣行下所管地面依上施行欽此

○中統五年八月欽奉

聖旨內一款京府州縣自來遇有科徵差稅對証詞訟及取會一切公事多令委差及吏刺抵候人等勾押中間不無搔擾今仰各罷信牌毋得徇用差人搔擾作弊欽此

○行公事

至元八年二月欽奉

聖旨據御史臺奏內外諸衙門公事稽遲乞定立限以本臺糾察今中書省御史臺一同議議回奏今後小事限七日中事十五日大事三十日若令史遲慢斷決令史說到檢正都事王事經歷知事以下官員遲慢中事罰俸三犯的決大事但犯的決以上首領官并其餘官員小事罰省罰俸大事聞奏若書寫

聖旨宣命既用蒙古文字從中書省依驗紙幅多少斟酌立定限次寫發并據各處勘會公事地里遠近催舉次第比附舊例違者並各治罪所據決罰條例驗事理輕重的重決罰准奏並仰欽依施行如違御史臺據察司合行究治者就便究治合呈省者呈省合

聞奏者聞奏欽此

○行公事

路所設經歷知事職掌案牘照領一切公事務要不致遲錯所責不為不重議得今後隨路總管府凡有一切所行公事若有府官所見

不同處決偏在如經歷知事批正執覆二次不從令經歷司官具由  
直行申部詳究定奪呈奉中書省劄付准擬施行

○公事違限違例者皆當該檢校人負隨事舉問失  
舉問者罪亦及之其監察御史肅政廉訪司常務糾彈毋容弛慢

○公事重了畢諸官司所受之事各用日印於當日付絕事關急速  
隨至即付常事五日程辦不辦中事七日程辦不辦大事十日程辦

辦辦辦並要限內發遣了畢違者量事大小計日遠近隨時決罰  
其事應速行當日可了者即議須行若必非常限所拘臨時詳酌

○申事自下而上諸應申上司定奪之事皆自下而上用心檢校但有  
不實不及其所由官司即須疏駁必要照勘完備擬議相應方許申

呈若事未完例或不當不即疏駁而輒准申呈者各將當該首領官  
吏究治或而不益至於再三故延其事者亦如之

○公事明白處諸公事明白例應處決而在下官司故作有疑申審  
若事合申稟而在上官司不即依理去決者各隨其事究治仍從監

察御史并肅政廉訪司糾彈  
○公事從正與決諸公事應議者皆由下而上長官擇其所長從正去

決若執見不同許申合屬上司六部官所見有異者赴省稟議其事  
例明白變易是非者別行究問

宣統元年三月二十八日江西行省咨撫御史  
其呈照得今年正月初六日欽奉

詔書節該應雜犯重典以下罪蓋從釋放自今以始各務惟新欽此不  
其職掌糾彈糾劾諸司稽違等事當上休

聖旨依新庶事合從中書省以下在內大小諸衙門并各處行中書省以  
下在外大小諸衙門各置朱銷文簿將應行大小公事行標附依  
程期按季勾銷准備監察御史提刑按察司官不測比對元行文卷  
施行月日照刷稽遲庶望自今以往去已前之積弊俾中外政績煥  
然一新不負

明詔叮嚀之旨呈乞通行依上施行都省咨請依上施行

大德二年二月 江西湖東道肅政廉訪司准分司牒臨刷各路  
諸衙門文卷多有旋寫朱銷文簿耽誤刷磨為此奏詳

朝廷立法以諸司所行公事置簿排日隨事朱出墨入逐件銷附日終  
月攷以革稽違之弊今各處視為具文應行公事並不隨時銷附以  
致大小事務无憑稽考迂延歲月无由杜絕徒使文煩事无成就除  
請施行准此可照驗行移合屬州縣應合照刷文卷大小同存今後  
須要置立文簿將應行公事排日隨事銷附每月一次首領官便  
其間但有稽遲隨糾奉施行從本處用印關防聽候刷磨了具

法架閣

○**三催不報問罪**至元八年二月 尚書省來呈今後應執行下隨處

文字如是稽遲已過三催不報者當該遲慢官吏合行取招除受  
宣勅人負外本部就便的決外路差官斷遣如此庶望不致稽遲呈乞  
照詳官府相度仰今後應執行下隨處文字量公事大小途程遠近  
依例三催不報者當該遲慢人吏本部量情就便斷遣外批官負取  
招擬定呈省

○**稽遲問罪**諸公事稽遲速則易改久則難追今後凡各官行之  
事當該省報每日勾銷都事每旬一檢奉負外郎每月一審校錯  
者依例改正遲者隨事奉行毋使日積月增文繁事弊部負外郎主  
事臺院經歷報事其餘經歷檢勾文字人負並同

○**官司各項用心檢校**若事有不便理當更張者听申合屬上司應呈  
省者呈省

吏部卷之八

典章十四

公規二

行移 差委

|        |    |    |    |      |    |    |    |    |           |
|--------|----|----|----|------|----|----|----|----|-----------|
| 外路     | 三品 | 平牒 | 會敘 | 縣令敘牒 | 指揮 | 指揮 | 指揮 | 指揮 | 品同往復平牒正從同 |
| 官司     | 四品 | 牒上 | 平牒 | 平牒   | 平牒 | 平牒 | 平牒 | 平牒 | 即佐官於當司應有行 |
| 不相     | 五品 | 牒上 | 平牒 | 平牒   | 平牒 | 平牒 | 平牒 | 平牒 | 移往復者並皆比類  |
| 統攝     | 六品 | 申  | 牒上 | 牒上   | 平牒 | 平牒 | 平牒 | 平牒 | 品從賊軍卑並今故  |
| 所      | 七品 | 申  | 申  | 申    | 平牒 | 平牒 | 平牒 | 平牒 | 牒應申者並洽    |
| 委      | 八品 | 申  | 申  | 申    | 平牒 | 平牒 | 平牒 | 平牒 | 諸致仕得替官負即同 |
| 官      | 九品 | 申  | 申  | 申    | 平牒 | 平牒 | 平牒 | 平牒 | 見任凡有違會公事  |
| 院部所委往復 | 平牒 | 平牒 | 平牒 | 平牒   | 平牒 | 平牒 | 平牒 | 平牒 | 依例行移事閑侵欺  |
| 官於外路   | 平牒 | 平牒 | 平牒 | 平牒   | 平牒 | 平牒 | 平牒 | 平牒 | 取受私罪自有應問  |
| 院部所委往復 | 平牒 | 平牒 | 平牒 | 平牒   | 平牒 | 平牒 | 平牒 | 平牒 | 官司其爭訟婚姻田  |
| 官於外路   | 平牒 | 平牒 | 平牒 | 平牒   | 平牒 | 平牒 | 平牒 | 平牒 | 債等事令子孫弟   |
| 院部所委往復 | 平牒 | 平牒 | 平牒 | 平牒   | 平牒 | 平牒 | 平牒 | 平牒 | 姪或家人陳訴却不  |
| 官於外路   | 平牒 | 平牒 | 平牒 | 平牒   | 平牒 | 平牒 | 平牒 | 平牒 | 得因而侵擾不安   |

品同往復平牒正從同  
即佐官於當司應有行  
移往復者並皆比類  
品從賊軍卑並今故  
牒應申者並洽  
諸致仕得替官負即同  
見任凡有違會公事  
依例行移事閑侵欺  
取受私罪自有應問  
官司其爭訟婚姻田  
債等事令子孫弟  
姪或家人陳訴却不  
得因而侵擾不安

# 行移

○  
品級行移至元五年十一月 中書吏禮部據河南府路由檢  
官府官坐次行移乞明降事照得下項舊例呈奉

都堂鈞旨送吏部准擬行下合屬照會施行奉此省部開坐各各  
座次行移體例如後并據各路所申文解年月日後暨逐官階銜多  
有不分品從高低一般平頭殊失上下體例仰依奉 省部內處分  
坐去事理施行內一款照得諸外路官司不相統攝應行移者品同  
往復平牒証從二品於四品五品並今故牒六品以下皆旨揮回報  
者四品牒上五品牒呈上六品以下並申其四品於五品往復平牒  
於六品七品今故牒八品以下旨揮回報者六品牒呈上七品以下  
並申五品於六品以下今故牒回報者六品牒上七品牒呈上計  
牒八品以下並申六品於七品往復平牒於八品今故牒回報者八  
品牒上九品牒呈上其七品於八品及八品於九品往復平牒七品  
於九品今故牒回報者牒上即佐官當司有應行移往復者並比類  
品從賤雖卑並今故牒應申並咨

○  
品級行移至元七年十月 尚書禮部會驗舊例內外官  
同行移親王宰相不署姓執政官署姓解亦不書名失禮舊例具實

德之義照得懷柔路總管楊少中曾任參知政事係前賊執政官見申部文解書名似或於禮未宜有無照依舊例止署姓不書名為此呈奉 尚書省劄付准呈仍就便移關各部及遍行人員照會施行

○

至元二十二年十一月

中書省照得行省咨文

內簽省書畫批字為此議得今後行省九咨都省咨文簽事止押檢

○

同見行省咨文

至元二十二年七月

御史其奏為前東京路同

知韓海山告北京路因徵錢債直勾赴府取狀事呈奉

中書省送吏部照擬得取官任滿得替在家听候遷轉即同見任有相關公事合照依行移体例施行



# 差委

。聖恩以臣等官至元二十一年八月御史臺據監察御史王切聞四海百姓宅生於刺史縣命於縣令親民之官民命之所由寄也如近年以來差往山場伐木監造船隻者有之他州收買物料監造軍器者有之更或遠方押軍跨海運糧州縣正官為之一空動是經年不得還職署事之日常少出外之日常多是以民間無所懸苦而府縣日以不治此其由也莫若今後必合摘官勾當事務存留長官謂各縣尹之類常守其職呈乞照詳得此照得先奉 中書省劄付該來呈河北河南道按察司申府州司縣但奉上司文字造作工程押運糧斛起遣軍役等事差遣正官離職辦課人負及吏目典史權攝甚非所宜今後但九差故須要每處存留正官一員掌管州縣事務外餘者依例差遣又照得欽奉

聖旨即該諸州縣官選差循良廉幹之人以充縣尹專心撫治以字吾民布宣新政仍以五事考較而為升殺除欽依外令休知得隨處府州司縣長官往往離職差使離職不下數月豈得專心職守五事似誰備奉有失

聖上恤民之意乞照詳事又據合肥縣尹徐霆等狀告亦為此事分付行

省就便定奪去來外有行省官議得今後但有官為必用之物量事大小如事重必須委官收買監造押運等物除長官專守其職外止許次官從人輪番差遣如事小上差委以次人等勾當毋致差委正官就誤官事奉此

至元二十一年十一月 御史臺承奉 中書省札

付據來呈山東東西道按察司申照得今後府州司縣正官差使宜分輕重編次等第目下而上置簿輪差務均勞逸仍將編定名次牒報憲司若有違越事輕者決遣當行人吏判署官以下罰俸事重者提控案牘以下的決判署官負取招申臺究治似望革除前弊為此送吏部議得今後凡有必須府州司縣正官差使擬令各路及直隸省部散府諸州明置文簿編次等第遇有差遣驗事輕重目下而上輪差合從本道按察司條察仍將元置簿籍每上下半年為一卷一同照刷若有不均就便依理究問 都省准擬仰依上施行

至元二十四年御史臺呈奉

中書省劄付據來呈正官差使事送吏部議得今後凡有府州司縣正官差使擬令各路及直隸省部散府諸州明置文簿編次等第遇有差遣驗事輕重自上而下輪番均差合從本道擬用按察司條察仍將元置簿每上下半年為一卷一同照刷若有不均就便依理究

問都省准擬仰依上施行

。至元二十七年七月 日行御史臺照得各道按察

司遇有差人出外幹事被差之人領訖文字關訖起馬

聖旨或站紅劄子往往稽留不即起發直至催督緊切才方就道致將所

委事務耽誤又將起馬

聖旨起紅省劄私家停放至甚不宜為此議到下項約束以整事理憲臺  
仰依上施行

●被差人負當日領訖文字關訖起馬

聖旨站紅劄子即仰於當日起發如當日起發不及許於次日絕早起發

無故稽留一日者仰本道糾拿罰俸月三日以上別議

●被差文字了畢或有他故次日不能成行仰被差人親赴司官

處覆說若有故而不行赴司覆說亦從罰例

●被差之後忽有疾病委妨起發仰呈司照詳若有病而不呈者

亦從罰例

●被差欲行承奉司官省會別有等候公事不得行者仰每日赴

司計票若所等之事猝急未了將所關起馬

聖旨站紅劄子惟且於官寄收不得於私家停放違者別議

●被差回還所贖起馬

呈納無故稽留一日者  
別議赴任到司者同此

元勾銀由來回月日置  
廉訪司究治至元辨格

和買監造押簿

建必合委官事理其次官輪流差使省  
元貞二年正月初九日江西行省准

府仰依上施行  
中書省咨該

奏准起運錢帛議擬行下各處輪差司縣請俸正官前來管押赴都交納准此照得各處差役司縣官多有違限不到雖是來到俱係路官

備私受賄害公如正兼已差司驛官爲是品級在下其物該水旱路  
程官司不即應副脚力不能督運以致遲滯議得起運赴都錢物於  
各路以次路官輪流點差外據各路起解赴省錢物從本路於所屬  
州縣負多事簡去處以次官內從公差遣已經通行去訖據元貞元  
年吉州等路稅糧折收木綿除差官起運外撫州等路木綿白布合  
委長押官其各路以次正官俱已差通若便再行輪差似爲重併省  
府議得今後一應起解赴都錢帛於所轄各州以次官負內輪流与  
路官通行差遣除外公下仰照驗施行

○**臣等**大德二年十一月江西行省據檢校官呈照得先准  
中書省咨赴都送納官物除各路府州司縣送解花赤長官捕盜官  
辦課官依例不得差占外其餘應合差使官員明置印押文簿通行  
標附遇有差使自下而上輪差務要均平若但有看領不均正官取  
招首領官吏嚴行究治近有

朝廷差來官与省府會議到厘革事內一件爲各路差委州縣長官管  
押糴糧等事動經半年周載不能著事耽誤勾當勸課農桑理問民  
訟爲此遍行合屬禁治去訖衆詳長官不得差占次官務要均差即  
係 省臺元行又係

朝廷差來官与省府近新厘革之事其各路官吏公然違拒差占正官

管解物宜從省府割付各路取正官首領官吏故違元行以差長  
官違錯招伏中省嚴行究治呈乞照詳得此省府仰照驗禁約施行







人吏恒避照刷稽違就用填補又愿一等州縣為弊人吏冒行填作其餘文面有害公事深為未便本其臺參詳若准所呈禁止相應批奉都察院旨送兵刑部准呈漏行禁止施行

**大用題**至元十二年三月內 御史臺奉 中書省劄付米

呈省部以下諸衙門文卷多有累年未畢者蓋為頻頻交案及有差占止勘見管人吏根檢皆言不曾交到以致迂延推調不能結絕若是久年人吏掌管中間恐有情弊如是頻頻交換實有埋沒擬合週年交案或有差占事故明立案驗相公交割不唯照刷亦是關防丟失送兵刑部為禮戶工部講究得依御史臺所擬週年交案相應都省准呈劄付廉裏諸衙門依上施行

**國朝舊例**至元十七年五月河北河南道按察司准襄陽路牒呈韓伯英爭池文卷本路達魯花赤宣德將於伊家收領候本官迎北回來取索歸結請照驗事准此除別行外憲司照得大小公事欽奉聖旨是立程限按察司巡行照刷其卷別無各官私家頗放牒例牒請違行合屬今後凡官司文卷官吏並不得私家收放如違嚴行究治施行

**國朝舊例**至元十九年十月 行御史臺准 御史臺奉 中書省劄付會徽先於至元八年正月內欽奉

聖旨教習蒙古文字

條畫內一款節該省部基院今蒙古子孫罕姪作蒙古必閣赤頭兒凡  
有行移文字止用蒙古字標寫本宗事自仍令習學漢兒公事其餘  
內外諸衙門亦同並用識蒙古字人負充必閣赤欽此欽依外照得  
別省文字除行省告示外有蒙古字標譯事自外樞密院御史臺六  
部呈省文字止有漢字朱語別無蒙古字事自省房就令蒙古必閣  
赤標譯了畢方得呈押中間更留遲誤至其不便自今各衙門各有  
設立通譯蒙古譯史都省除外仰今後應呈都省文字欽依  
聖旨分事意就令蒙古譯史標寫本宗事目如係錢穀備細譯寫錢穀  
呈省更爲行移合屬依上施行

○**國以爲目**至元二十二年十一月 中書省樞密史臺呈  
牀問諸衙門議論公事若衆官主意不同或有私害公者首領官不  
敢書卷當該人吏迎合官長止以批送所屬施行公私甚不便當又  
兼有妨礙制近因南京龐京駁告粵二焦漢臣至元十四年買到張  
阿劉房四間明立文契其張阿劉稱是元是典契南京宣慰司樞密  
府偏斷追到南京路文卷照得在先依准錄事司所擬憑契歸結在  
後却擬令張阿劉取贖申奉宣慰司判送元解批奉司官鈞旨先与  
按察司官一同斷定今張阿劉收贖追到宣慰司文卷並無与按察  
司一同擬斷文案除已別行取問外照得至元二十二年中書省爲戶



照驗凡事一歸明立案驗並不得口傳言語行事仍行下禁約施行

文卷已照驗入籍至元二十一年十月日行御史臺准

史臺咨該撫山東東西道提刑按察司申准東昌路牒呈准本路判官武承務牒呈切見隨路提督府司吏迂轉其本處官司止將各人所掌見行文字交割了畢移牒所拍路分發遣勾當在後多有因事發露或侵官錢及經手迷失錢穀被告私罪未經結絕更有不了事件往往行移占候不發以致追過經年不絕就誤各掌事務深為未便准此卑司看詳今後迂轉人員將應掌行過文卷明立按驗交割於內若有侵欺粘帶過犯候追問完備給批發還兼各處經歷知事提控案牘都吏目典吏人等俱係專管案牘人員年來不為用心關防多有去失文憑簿曆新任官吏不知首尾中間就誤公事擬合自至元二十一年已前應行文卷應勸及數分據已未結絕卷宗同照例了畢將已絕文卷附籍入架未絕卷宗依理撈拿施行已後照例了絕依上編類入架將來滿替依例相公交割於解由內明白開寫仍取新官交牒提控案牘以下亦取收管抄連一就申呈似望不致去失革除前弊乞明降事得此具呈中書省照詳施行合屬一併施行去訖今據本道申照得本司在先未絕公事皆不催拿亦有損失文卷簿籍及有未曾提押文字或雖押過空判不行中間多有就

滯公事本司文卷尚然如此其府州司縣案牘可知以此參詳擬自  
至元二十一年已前應行文卷簿籍責任經歷司及數合陳照勘完  
備將已絕文卷編類入架未絕卷宗依例催奉已後結絕依例編類  
入架將來任滿得替相公交割於解由內明白開寫仍取新官交牒  
書吏以下亦取收管呈司然後給與發遣庶肯尽心照管革除前弊  
本臺謹得若依山東按察司所擬相應咨請照驗行下合屬依上施行  
○**以絕經刷文卷**諸已絕經刷文卷每季一擇各具事目首尾張數皆  
以年月編次注籍仍須當該檢勾人負躬親照過別無合行不盡事  
理依例送庫立號封題如法架閣後遇照用判付檢取了則隨即發  
還勾銷

○**至元三十一年三月**行御史臺准御史臺咨奉中書省劄  
付先歲本臺呈內總府州司縣將

國朝收附以來抄數民籍地畝卷冊不肯用心收掌為此迭更部議得  
今後擬各路府州縣將自前至今抄數到諸色戶籍地畝干照文冊  
取勘見數補寫完備如法架閣正官首領官相公交割解由依式開  
寫許令察官檢卒不完者究治近准各省咨到官負解由多有脫漏  
戶籍地畝卷冊以此迭更部照擬得今後擬各路府州判官縣主簿  
錄事司判官不妨餘務提調首領官通行掌管任滿相公交割解由

內依式開寫都省准呈合下仰依上施行

。至元二十四年九月 御史臺承奉 尚書省劄付

今後凡行文文字須要真謹書寫官令吏用心照勘對讀元美親筆標寫訖姓名隨即發放毋致中間剗補添改塗注卜乙字樣如違定將當該官領官吏究治仍通行合屬依上施行

又元貞二二月 江西行省准 中書省咨御史臺呈湖北廉訪

司備知事苗從仕呈照刷鄂州路文卷其干碍驅良由宅婚姻債負一切錢糧往往積年不絕追索元行皆稱前界司吏不曾明白交割中間實先去失埋沒問得本路別無架閣卷宗人負今檢會到至元十二年申書戶部符文該隨路各有取勘追會一切公事合用元行文卷回申多有推稱更換人吏失落不存緣各路所設經歷知事提控案牘俱係親臨簿書人負擬合將本路應行併已絕架閣文卷編類置立號簿明白開寫今提控案牘不妨本職充架閣庫官專一與經歷知事一同掌管如遇任滿得替依數交割代官取收附連申於解由內開寫申部求仕換所轄散府州縣亦令提控案牘都吏目典史依上兼管相公交割呈奉 中書省准擬施行參詳江南歸附二十餘年各路錢糧造作并應行文卷比之腹裏路分加之事煩如往前例便益得此呈奉 中書省咨御史部照擬得御史臺呈路府州縣

提控案牘都吏自典史係親臨簿書人負合將應行文卷不妨不職兼充架閣庫官任滿相公交割於解由內開寫宜准所擬得此都省惟呈

○人吏失竊案牘回文卷至元二十五年二月 御史臺批監察御史呈

近照制京畿通州等處文卷內路縣文卷九十六宗檢尋不見除將當該典史司吏斷罪取訖其結須管根尋得見下年呈報外乞照詳事得此照得官府去失文卷多因新舊人吏交付不明以致如此議得府州司縣文卷俱有檢校案牘人負掌管今後遇有人吏交代責令當面對卷牽照完備明立案驗依例交割若有遺失隨即追究不惟易為檢尋亦免日後互相推拍其交割之後復有不肯尽心去失文卷者合將檢勾案牘人負治罪庶得革去沉匿文字之弊呈奉

尚書省劄付該都省准呈除已劄付刑部遍行照會外仰照驗施行

○又吏負差除事故其元管簿籍文卷須與應代之人一一交點無差

連署呈報本屬官司照驗後有失落止著見管之人追尋去元新格

○天德元年六月行御史臺劄付據監察御史呈照得

奏准至元新格內一款諸官司所受之事各用日印頒於當日付絕事

關急速隨至即付文一款諸吏負差除云云見前例近照制建康路

總府并諸衙門文卷比照出漏報埋沒不見等卷四千六百一十二

宗除另行外看詳宜從行省以下諸衙門將在前刷過絕卷依例編號架閣見行未絕并已絕未經照刷文卷分明置簿開附印押以備照勘呈報已後應受生熟之事須要經由承發司各另明白附簿隨用日印發放當行人吏親筆簽字交領每日結轉除有設差官勾承發司外其餘衙門文簿各於首領官廳呈押首領官先印信或无首領官者正官署押用印關防其當該人吏承到文字除熟事行遣發放了畢粘入本宗前卷外生事另立卷宗所置簽貼須与承發司簿內標題事目相同非至年終不得交案若有差除事故其備細送卷事目從首領官查照別无漏報判送應代之人一一交點无差連署呈報不屬官司照驗如承臺察取報刷目並勒首領官逐一查照完備將先刷未絕立作舊卷續承生事報作新收通行分豁已未絕事目以後登答報刷若照刷得中間但有未經承發司附簿日印及此照出漏報埋沒去失不見文卷驗事輕重斷罪其首領官考滿亦行依上交割於解由內開寫以望文案完備誠為永久之施行得此憲臺合下仰依上通行施行

○大德四年二月江西行省劄付拋江西等處蒙古字提舉李孝校官呈奏袁州路總管府譯史甘定呈款觀至元八年詔書內一款省部臺院令蒙古子孫弟姪作蒙古必闡赤頭兒凡有行



撥文字並用蒙古字標寫本宗事自仍令習李漢兒公事其餘內外  
諸衙門亦同並用識蒙古字人負充必關亦除欽遵外切照各案合  
譯文書其貼書人等多有先行印押了畢而後譯者有之或不經標  
譯印押發遣者有之用舊檢模影譯寫者有之顛倒錯亂情弊非止  
一端伏慮干碍上司文解及出入錢穀刑名緊切文字中間倘有違  
錯罪將誰執今來照得合譯公文俱係各案司吏於檢目上書名盡字  
字唯獨譯史不曾覈歷是致弊端無以關防呈乞備呈 江西行省  
定奪今各路譯史依司吏例於合譯公文檢目上書名盡字似望可  
革前弊易防詐偽呈乞施行得此旨府准呈仰依上施行

○  
大德六年八月

行御史臺准御史臺咨監

察御史呈也可札忽亦應有重刑多係蒙古必關亦掌行不立漢兒  
文案詞理無可考視情實不可悉知伏慮其間枉誤必多今後擬合  
取問明白令漢兒令史譯寫文案追會完備移咨御史臺摘委蒙古  
漢兒人監察御史各一員考視文案審復無冤呈臺回咨然後依例  
結案待報施行似不差池本臺於大德五年七月初十日奏奉  
聖旨節該也可札魯忽亦重罪過的人取了蒙古狀子立自漢兒文案卷与  
文字交監察每審復欽此

至大四年十一月江西廉訪司奉 行臺劄付浙西

廉訪司申分司牒諸人告爭婚田等事所在官司文卷多有埋沒扣  
換若使追寃俱在至大四年三月十八日以前事理照得諸司應行  
事務例置朱銷文簿日逐銷附廉訪司上下半年照刷了畢其朱銷  
文簿所在官司无憑照勘或云各該司吏收管或刷卷書吏收留凡  
遇照勘无以稽考今來者詳今後廉訪司官照刷各處文卷了畢擬  
合將各房元置朱銷文簿分付合屬首領官收管明附文簿入架以  
備照勘中乞照驗憲基相度設置朱銷載文卷之出入若公事之稽  
遲照勘了畢理宜責付有司入架以備照勘仰依上施行

戶部卷之一

典章十五

祿廩

俸鈔

職田

行

平糶政事二頁各鈔五定

照舊一頁鈔二十五兩

理

正官二頁各鈔一十兩

中

左布政使一頁各鈔五定

宣慰司各鈔二十五兩

問

提控案牘一頁鈔二十五兩

書

會審二頁各鈔一十兩

宣慰司各鈔二十五兩

所

通事一頁鈔二十五兩

省

左司郎中二頁各鈔一十兩

宣慰司各鈔二十五兩

所

通事一頁鈔二十五兩

宣

同知一頁各鈔一十兩

宣慰司各鈔二十五兩

廉

副使二頁各鈔一十兩

慰

經歷一頁各鈔一十兩

宣慰司各鈔二十五兩

訪

照舊一頁鈔一十兩

司

知印通事各一名各鈔一十兩

司

典史二名各鈔五兩



# 諸縣司管軍府所

## 上縣

## 中縣

## 下縣

## 錄事司

建寧府 鈔一十兩田四頃 鈔十八兩田四頃 鈔十七兩田四頃 鈔十五兩田三頃  
 縣尹 与花赤同 与花赤同 与花赤同 与花赤同

縣丞 鈔十五兩田二頃 鈔十三兩田二頃 鈔十二兩田二頃 鈔十一兩田二頃  
 主簿 鈔十三兩田二頃 鈔十二兩田二頃 鈔十一兩田二頃 鈔十兩田二頃  
 縣尉 鈔十二兩田二頃 鈔十一兩田二頃 鈔十兩田二頃 鈔九兩田二頃

典史 鈔七兩米七斗 鈔六兩米六斗 鈔五兩米五斗 鈔四兩米四斗  
 司吏 鈔六兩米六斗 鈔五兩米五斗 鈔四兩米四斗 鈔三兩米三斗

上萬戶府 鈔八兩米八斗 鈔七兩米七斗 鈔六兩米六斗 鈔五兩米五斗  
 中萬戶府 鈔七兩米七斗 鈔六兩米六斗 鈔五兩米五斗 鈔四兩米四斗  
 下萬戶府 鈔六兩米六斗 鈔五兩米五斗 鈔四兩米四斗 鈔三兩米三斗

千戶 鈔八兩米八斗 鈔七兩米七斗 鈔六兩米六斗 鈔五兩米五斗  
 百戶 鈔四兩米四斗 鈔三兩米三斗 鈔二兩米二斗 鈔一兩米一斗

鎮撫 鈔四十兩 鈔三十兩 鈔二十兩 鈔十兩  
 總兵 鈔十七兩 鈔十二兩 鈔七兩 鈔三兩

知事 鈔十二兩 鈔七兩 鈔三兩 鈔一兩  
 都司 鈔十兩 鈔五兩 鈔二兩 鈔一兩

吏目 鈔十兩 鈔五兩 鈔二兩 鈔一兩  
 典史 鈔七兩 鈔六兩 鈔五兩 鈔四兩

司吏 鈔六兩 鈔五兩 鈔四兩 鈔三兩  
 上萬戶府 鈔八兩 鈔七兩 鈔六兩 鈔五兩  
 中萬戶府 鈔七兩 鈔六兩 鈔五兩 鈔四兩  
 下萬戶府 鈔六兩 鈔五兩 鈔四兩 鈔三兩

上方府所  
 中上方府所

諸色衙門

[illegible]

# 俸錢

祿米

附

○**聖旨**節該但勾當裏行的請俸的人每一个月勾當過的公事完滿無罪

過呵後月初頭勾當過的一月俸分者如是那一个月勾當的不完備有罪過呵赶了者麼道

**聖旨**有來奏呵是那般有如今只依着那体例与呵得甚事麼道  
**聖旨**了也

○**聖旨**新州路提控案牘劉瑾於至元二十四年閏二月初三日礼任勾當支訖當月俸鈔一十兩户部照擬得劉瑾既於閏二月初三日礼任合自三月為始支俸都省移咨湖廣行省於劉瑾名下追徵元支訖二月俸分還官

○**聖旨**至元三年十一月十二日中書户部奉

中書省劄付諸官員上任不過初二日罷任已過初五日並給當月俸錢外據經歷知事吏目典史司吏一体施行

○**聖旨**至元九年正月 中書左三部承奉

中書省劄付據户部呈奉 尚書省劄付鈔奉

**聖旨**節該今已後支俸呵月尽其間交与者應喫俸錢人一日不來次与

一兩者半日不來休与半兩者這般道与了您呵若是月初頭与了  
摩錢呵您上者您雖得這般言語呵管軍官官民官却休動者欽此  
照得先奉中書省劄付該諸官員上任云云見明例依上月尽其  
間支付外概不告事故人負既是官司說過定与限次交去來俸錢  
都交支與如違限并推故不來欽依

聖旨順分事意追罰施行

大德七年三月二十四日江西行省准 中書省咨

來咨廣州路達曾花赤瓜秃大德六年三月二十日得替開除名俸  
合無依平章月的迷失例支付請定奪准此送戶部議得官吏俸秩  
本以養廉豈有内外之分以此參詳内外諸衙門官吏除上任已過  
初二日并但犯公罪有招停職被問者所歷雖至月終其俸秩依例  
不給外概在任致除及任滿得代官吏如已滿初五日者將當月俸  
秩无分内外欽依元奉

聖旨依數給付相應都省准擬

大德十一年六月 行臺准 御史臺咨官吏病過

百日例應作闕支過時零日數俸秩若欲追納还官恐非優遇臣下  
之宜抑亦有傷大体事干通例宜令合干部分從長講究具呈照詳  
回奉 中書省劄送戶部議得諸官吏患病百日作闕支過俸米除



全月四納還官外與支過破月俸鈔如是已過當月初五日亦屬今  
月及月數宜從御史臺所呈免徵相應 都省准擬

至元三十一年十二月二十日 江西行省

省掾李元剛告至元三十一年四月內承行吉水縣羅濂翁告王仁  
甫不法等事有王仁甫經廉訪司誣告取受六月十一日有江西廉  
訪司牒發分司牒對得妻告七月十四日牒發回省所有六月至十  
月終五个月俸鈔未蒙支給得此移准 中書省元貞元年閏四月  
二十七日省掾卜元英承行咨該送戶部照擬得令史李元剛至元  
三十一年六月至十月終五个月即係離役對証不曾掌管勾當月  
日難議文俸具呈照詳事都省合行移咨請照驗施行

大德十一年十一月行臺准 御史臺咨浙東

道廉訪司申據温州路瑞安路民戶吳瑞狀告本州王同知下鄉休  
覆折收木綿取受鈔定已取吳瑞等証告招伏斷違上當外與同知  
王華耳被問係錢移准温州路牒呈照得省部元擬江西省令史李  
元綱被誣對問係離役不曾掌管勾當月日難議支給看詳九告言  
官吏不公若追究是實自有常憲其間或枉被賅誣告認明白於已  
別无私罪招涉及所犯罰贖不至解任等罪如將曠闕月日照依至  
元十年省部元擬通例俸祿全給相應係為例事理咨請照詳准此

呈奉中書省劄付得此送提刑部呈議得九官吏在任被人告論辨証私罪雖有招伏不至解任但離本職者其祿不給歸結了畢乘不至停罷合還職者依上任例給付即枉被賍誣或為支証及辨証公罪者驗曠闕月日祿秩全給相應所據瑞安州同知王華亨即係枉被賍誣其停職月日祿秩全給相應具呈照詳都省仰照驗施行

。宣統元年二月二十二日奉

詔條內一款設官通譯本以為民近年諸物增價俸祿不能養廉以致侵漁百姓公私俱不便益自今內外官吏俸給以十分為率添支五分仰中書省依上施行

大德三年正月欽奉

詔條內一款張官置吏本以為民小吏祿食不給招取為害其令中書省添給俸米有差欽此

中書省議得照訪司轉運司書吏通譯吏俸鈔依旧例支給每月添米一石奏差典史驗俸依例給米總管府司吏通譯吏下州吏目擬支月俸中統鈔八兩米六斗散府諸州司吏縣典史月俸中統鈔七兩米七斗諸縣錄事司巡檢司司吏月俸中統鈔六兩米六斗仰各州官吏自大德三年正月為始按月依例支給

各路司縣司獄典俸米與親民司縣司吏同 同年六月都省例

○大德七年 月欽奉

詔條內一欽官吏俸薄不能養贍增給俸米欽此云云議得无戕田官  
吏俸米除甘肅行省与和林宣慰司官吏一体擬支口粮外其余以  
外官吏俸一十兩以下人負依大德二年添支小吏俸米例每一兩  
給米一斗十兩以上至二十五兩每員支米一石余土之數每俸一  
兩与米一升扣算給付若官无見在驗支俸去銀時直給價雖貴每  
石不過二十貫上都大同隆興甘肅等處不係產米去處每石合支中  
統鈔二十五兩價賤者從實開坐各各分別移確 都省咨於大德  
七年五月二十八日

奏過事內一件前者爲内外勾當裏行的官吏俸錢少的上頭俺省官  
臺官并老的每一處商量了添与俸米者麼道

奏了行來

聖旨有來答剌罕丞相大都省官人每与茶士每一處商議定奏將來但  
是无戕田的請十兩以下俸米的依着先定來的小吏俸米例每一  
兩与一斗米十兩以上至二十五兩与一石這的之上不據請多少  
俸錢的十兩加与一斗俸米呵内外官吏一年約該二十八万余石  
米有這般与呵上都等處山後州城甘州等處河西州城并和林州  
城不係出米去處從省各處事官与價錢并口粮更迤南州城若无

見在呵与價錢的擬將幾個分例來有俺与完澤大傅右丞相眾人商量來請三定以上俸錢的不与米三定以下俸分的依自大都省官人每一處定將來的与呵怎生取自

聖裁奏呵奉

聖旨依自你商量來的与者欽此

。至大二年 月致奉

詔書內一款官吏俸薄不能養廉以致侵漁百姓治效不修尚書省從長計議頒給欽此

。尚書省送勘戶部呈照擬到各項事理至大二年十二月二十八日玉德殿西耳房內有時分昔室赤大都丞相等奏天下諸衙門官吏俸鈔不敷的上頭交俺商量添与者麼道行了

詔書來俺眾人商量來隨

朝衙門官員并軍官每如今見請的俸分內減了加五改換与至元鈔住支俸米外任有職田的官員三品的每年与祿米一百石四品的六十石五品的五十石六品的四十五石七品以下的四十石俸錢改支至元鈔將職田收入官又外任宣慰司軍官雜職等官俸錢十分中減去三分余上七分改支至元鈔兩隨

朝衙門行省宣慰司的吏員俸錢減去加二其余鈔數与至元鈔十兩

以下每月与俸米五斗外任行的小吏每的俸鈔依數改作至元鈔  
俸米依旧呵怎生奏阿奉

聖旨那般者欵此议得在都隨

朝官吏俸秩截自至大二年正月爲始欵依支付所擬在外行省同隨  
朝衙門官吏并外任俸給擬自文字到日爲始支付都省除外咨請欵  
依施行

至大二年二月二十八日奏天下諸衙門官吏俸分不敷的上頭交  
俺商量了添与者麼道行了

詔書來俺衆人商量來隨

朝衙門官員并軍官每如今見請俸分內減了加伍改換与至元鈔住  
支俸米外任有職田的官員二品的每年与祿米一百石四品的六  
十石五品的五十石六品的四十五石七品以下的四十石俸分改  
支至元鈔將職田拘收入官又外任宣慰司軍官雜職等官俸分十  
分中減去三分余上七分改支至元鈔兩隨

朝衙門行省宣慰司的吏員俸鈔減去加五其余鈔數与至元鈔至元  
鈔一十兩以下每月与俸米五斗外任行的小吏每的俸鈔依數改  
作至元鈔俸米依旧与呵怎生奏阿奉

聖旨那般者欽此議得在都隨

朝官吏俸秩截自至大二年正月為始欽依支付所擬在外行省同隨朝衙門官吏并外任俸給擬自文字到日為始支付都省咨請欽依施行

皇慶二年五月 江西行省准

中書省咨該皇慶二年二月二十七日

奏過事內一件內外勾當裏行的三定俸外以下官吏人等无公田的完者无皇帝時分与祿米來在後尚書省官人每奏了將外任職官每的公田拘收了驗着品級与俸米俸外改支至元鈔宣慰司軍官雜職等官俸外減了改支至元鈔來

皇帝登宝位時分外任職官公田俸鈔並復旧制者勝道行了

詔書來除有職田官真俸外並依旧制其餘宣慰司外任无職田軍官雜職司縣小吏人等合支俸給祿米不均有麼道各處行省咨稟將來有俺商量來外任官真但有公田的並依旧制支給合得職田官真若全无職田的改支至元鈔宣慰司軍官雜職并諸司吏真人等自文字到日依先例改支至元鈔數小吏合得祿米只依旧例交支呵怎生奏呵那般者勝道

聖旨了也此都省咨請欽依施行

延祐四年二月行省准中書省咨擬无見迷先

海牙告係添設副達魯花赤不見定給俸錢公田乞詳狀事得此送據戶部呈照得至元三十一年十一月初三日

奏准官負賤田依旧例標撥欽此欽依外腹裏官負每中統鈔五兩公田一項江南減半本部議擬到腹裏行省路府州并所轄中下縣錄事司添設副達魯花赤俸鈔公田開呈照詳都省開咨請欽依施行本部比例議擬到下項添設官負公田俸鈔

路府州同知并上縣丞減去設副達魯花赤一員

前件議得前項路府州并上縣副達魯花赤既以減去同知縣丞各官俸秩公田擬合比依減去官負公田俸例一体支付相應

中縣并錄事司添設副達魯花赤一員

前件議得上項添設副達魯花赤合得俸祿擬合比依主簿錄判一体支付相應

下縣添設達魯花赤一員

前件議得上項添設副達魯花赤公田俸鈔擬合比依簿尉一体支付相應

○**軍實錄**天德八年四月江浙行省劄付該為各奕軍官俸米行據鎮守真定方戶府申擬本府鎮撫張瑄等呈亦為此事如已後都省

不准情願將已支過米報抵數還官仰行下各處如准管軍官關文  
驗各官實支俸鈔自大德八年三月為始放支俸米取各官明白收  
管年終通行照算奉此劄付本路依上施行去訖今奉省劄六月初  
五日准中書省咨送戶部呈為詳江浙行省各奕軍官吏等不見  
於內有元就准軍身又無開到各各奕分花名合咨本省照勘明白  
議擬相應咨請依上施行准此施行間又准中書省咨議得江南  
諸奕軍官司吏於內多有就准軍身即與管民官吏殊別據例支俸  
米除就准軍身官吏別无定奪其餘見任軍官照驗所支俸鈔自呈  
准月日依例幫支年終通行照算咨請依上施行准此省府除外仰  
照驗依上行下合屬行移本處萬戶府照勘就准軍身官吏支過米  
糧依數追徵還官外據見任軍官自大德八年六月為始依例幫支  
仍將三月至今已支訖俸米於下月合支數內扣除施行

○  
米移准中書省咨該本省所轄蒙古教授暨冬教授平准行用等  
庫俱係遷轉人員合得俸米依例支給准此除蒙古孛生暨冬教授  
另行外擬庫官俸米送戶部議得各處平准行用庫直隸行省懷致  
庫廣濟庫如無戰田不曾於各枝兒應當法薛別名色支請口糧自  
取准月日為始驗俸支付相應都省咨請依上施行



# 職田

至元四年二月中書左三部承奉中書省劄付近將  
隨路府州司縣官負斟酌定到俸鈔外批職田合依舊例標撥奏奉  
聖旨准欽此省府令比附舊例約量定到各路府州司縣官負職田頃畝  
除新沒地營盤草地外仰於本廳係官并戶絕地及冒占荒閑地內  
依數標撥召募培牛院客種佃依鄉原例分收於內若有荒地於近  
上戶內斟酌時暫借倩牛力限二年內逐旋耕墾作熟依上召客種  
佃已後各官相公交割取明白公文申部類攢呈省無致因而多餘  
閒要違錯奉此省部仰依所奉中書省札付內處分事理施行緣  
候標撥到各各項畝條段卓望四至備細照依連去体式造冊二本  
申部路府州縣官負職田頃畝見前

元貞元年八月日行御史臺江南湖北道廉  
訪司申湖北湖南等處轉運司運使李羅自至元二十九年六月為  
始因事停俸听候却今在職辦課勾當至元三十年六月才方罷職  
種過三十年公田占谷一百五十三石五斗五升八合二勺已作開  
官子粒還官合无給付事得此照得先規本道申漢陽府達魯花赤  
囊家歹因事被問停職月日似難支俸擬本官三十年職田下種子

粒三百石省府天數給付了當未審合无追徵事叅詳得替并身故  
官負賤田皆以下種收租已有定例外擬有罪解任并被問停賤當  
年不曾還賤不應支俸者其賤田雖拋下種合無收租仍係過例移  
准御史臺咨具呈中書省照詳外據李羅係犯贓斷罷人數在先停  
俸在我辦課本年賤田合无收租亦係為例事理以此移准御史臺  
咨呈奉中書省劄付送戶部議得諸官負犯罪罷賤元請公田雖已  
下種其子粒似難給付擬合沒官外停賤被問辨證得或被誣枉或  
所犯不該解任如本年還賤所種子粒合行給付如經隔年亦合沒  
官都省照得即係元貞元年五月初八日已前事理除已移咨湖廣  
行省依例施行外仰照驗施行承此咨請照驗准此亦已行下本道  
照驗今准御史臺咨照得先准咨文漢陽府達魯花赤囊家歹亦爲  
被問停賤月日不應支俸賤田下種合无收租呈奉中書省劄付  
送戶部議得諸官負犯罪罷賤元請公田雖已下種其子粒似難給  
付擬合沒官已咨貴臺依上施行今准前日合行回咨請照驗施行  
中書省定到條例各道提刑按察司隨路府州司縣官合得操撥無  
違碍地上召募佃客種時驗年歲豐歉依例分收無得播配人戶科  
徵違錯至元二十一年五月御史臺照行例

部有議得各處官負賤田子粒合依鄉原例分收無得播配若遇灾

傷依例除免 大德六年二月都省例

中書省咨為各路添設推官并各州同知等官合得戰田送戶部照  
數得擬合先依保官荒閑無違碍地內撥發如是不敷於隣近州郡  
積荒地內貼撥若無荒地照勘曾經賑訪司休覆過無違碍戶絕地  
內撥付 大德七年都省例

。皇慶元年四月十七日本臺官  
皇慶二年二月行省准 中書省咨 御史臺呈

奏過事內一件外任廉訪司官路府州縣官的戰田腹裏路分施工布  
種的要來江南的芒種以前下種的分收有來近年以來新田官遇  
自種田的時月交代了呵爭競戰田的多有更有下種之後札任的  
直到下年十月前後年半方得戰田有勾當一年的却得二年戰田  
勾當二年的只得一年戰田不均勻有天下官貪俸勾當過一月  
呵与一月俸今後遇着新旧官交代的時分他每應得秋夏戰田子  
粒隨着各該支俸的月分扣算分收呵均勻的一般奏呵那盤磨磨道  
聖旨了也欽此具呈照詳得此送提戶部呈畝得官負戰田旧例腹裏施  
工布種江南芒種以前分收交代之際灾傷事故畝耕改種爭訟者  
多端如准御史臺奏奉

聖旨事意各驗俸月分收相應具呈照詳都省咨請欽依施行

設田四  
聖慶二年六月江西廉訪司奉 江南行臺劄付該  
提監察御史呈伏謂天下之廣黎元之衆居總要者政不親民惟風  
憲之司牧民之官職當任重是以月奉之外復加之以公田養廉者  
務在政重民安也天祿不可以虛其賜既不可以重其擾切照各處  
廉訪司有司官職田雖有定例地土肥瘠有無不全主佃分收多寡  
不等或有全缺不敷去處官挾其勢民畏其威无田虛包者有之逃  
亡閉納者有之影避差徭原輸者有之招歛加要輕賈者有之人有  
貧乏時有旱澇官稅私租俱有減免之則例独職田子粒不論豐歉  
多是全徵豈親民之任哉理合遍行禁止違者究治黜降今後各官  
會得職田若有不敷全缺去處驗其遠近依例於荒閑係官田地內  
約量撥發毋致撥據於民誠為兩便乞照詳得此憲臺相度標撥公  
田已有定例非法取要者理合禁止究問仰依上施行

戶部卷之二

典章十六

分例

使臣  
祇應

官吏  
雜例

米  
麵  
酒

肉

粥

雜支  
鹽油

柴

炭

草

料

馳驛

正使臣  
果一正斤

宿頓

升

隨從同

正升

正羊肉

一斤

正中統

一東行

冬月

去與

隨從同

隨從同

正升

一斤

正從

雜支

一東行

冬月

馳驛

正使臣

換馬

正使臣

去與

隨從同

隨從同

正升

一斤

正從

雜支

一東行

冬月

長行

正使臣

馬宿

正使臣

頓處

正使臣

隨從同

正升

一斤

正從

雜支

一東行

冬月

草

料

新夏月必用乳  
分洲酒肉各  
隨從不步酒肉  
鹽油雜支  
炭自十月一日  
為始至正月  
二十日住支

一兩不為頭人負依  
分洲支者  
草自十月一日為始  
至三月終住支  
料自六月一日為始  
至七月終住支

馬足  
日支一  
日五升

馬足  
日支一  
日五升

馬足  
日支一  
日五升

馬足  
日支一  
日五升

馬足  
日支一  
日五升

馬足  
日支一  
日五升

馬足  
日支一  
日五升

馬足  
日支一  
日五升

馬足  
日支一  
日五升

馬足  
日支一  
日五升

馬足  
日支一  
日五升

馬足  
日支一  
日五升

[illegible]

# 使臣

○定下使臣分例 中統四年四月二十一日河東宣慰司准 中書左  
二部關奉 中書省劄付擬到使臣人等祇應分例仰依奉施行  
起鋪馬使臣

換馬處 正使臣支粥食解渴酒 闊端赤支粥

宿頻處 正使臣依本部所擬合支

白米一升 麵一斤 肉一斤 酒一升 油鹽雜支鈔二十文

冬月一行日支炭五斤自十月初一日為始至正月二十日住支

隨從闊端赤不支酒肉油鹽雜支鈔 白米一升 麵一斤

長行馬使臣如有賁把

聖旨

今旨并省部文面勾當官中八事一兩個為頭人負額宿處依分例支

者下次人負額與粥飯者外據馬疋草料亦依本部所擬支

遣馬一疋日支草一十二斤料五升自十月為頭至二月

終住支照得本部元呈長行馬使臣依騎鋪馬分例支遣

呈下係官文字申判解子依本部所擬分例係宿頻處批支

白米一升 麵一斤 雜支鈔一分取至元二年四月一

聖旨

至元二十一年二月初十日通政院

奏准事內一件在城裏使臣勾當了呵喫得抵應宿住行有又這個站裏喫了茶飯到那站裏喫不得呵算的鈔要有麼道奏呵兩個日頭茶飯与者如无勾當第二日休与者喫得飽喫不得呵鈔休与者使氣力要呵寫將小名与來者麼道

聖旨了也欽此

至元二十一年二月十七日通政院官等

奏我從女真田地裏來的時分信州站戶每我行文字与着生有來裏住的打捕鷹的忽都魯迴还家去的時分白日經過時見在的羊肉与呵不肯喫俺行嘆責道不是要說活羊喫了也俺每忽都魯根底攀着說有若別个的似這般行的見有的肉与呵不喫要活羊喫的多有似這般呵俺生受有您使臣每根底告有怎生

上位奏知的您識者麼道來麼道

奏呵呆站家与來也者如今見在肉有呵与見在肉者若見在肉与呵不喫的人每根底水也休与者麼道

聖旨了也欽此

聖旨

至元二十一年八月

行御史臺准

御史

其聖旨使會到中書省定到使臣分例正從已有定數累年以來



朝廷使臣以至中書省樞密院御史臺內外諸衙門一切出使臣人等每到外路挾恃威勢願指風使外路官司抑曲將迎恐嚇其意有正名一人而給二三正名分例至於從一人同正名不但如此而已又呼索盛饌多破物料遇斷署日所需素食品味比於肉食其費倍多酣酒命妓以爲故常年終打弄祇應文冊止依省部定到分例除豁名數其破官錢何所從出必非各處官吏於已身內出備豈免虛名捏合互相抱補或有不數陰取於民若不禁斷官民俱受其弊今後內外大小出使人員除正從人數外不得多要分例除正從分例外不得廣索貴細食品諸官司亦不得分付應副許諸人告首各道按察司嚴加体察如有違犯取問是實論如盜偷官物追陪元數取與同罪科斷似望各路官吏去差去使臣不敢招公私之費以結賓主之歡各務公廉以絕蠹弊爲益不小呈奉到中書省劄付卽該都省照得使臣飲食已有定例今後諸衙門差土使臣人員先行擬定正從員數始自起程脫脫禾孫及站官署押印信文憑行移前站依上應副分例如有多餘取要人員除職官開具姓名申部呈省究治無職人員令合屬官司就便追理仍督勒各處祇應人員無得分付應副因而冒濫名項虛破官物除另行移咨各省劄付兵部通行合屬依上体察施行

○**出使諸司公例**元貞二年五月湖廣行省准 中書省咨江西省咨

所言廣東地面接連海外諸蕃時復出使人負稱係

朝廷差遣元赴鋪馬

聖旨剖付於福建泉州上船時分繳納所引人負稱係諸蕃

貢獻諸物赴省索要冬夏衣裝鋪馬分別遞運腳力即係動支官帑不

見此等人負定例又无所賈差剖文憑難辨真偽伏慮朱應咨請定

奪回示准此送戶部照擬回呈叅詳出使人負元賈鋪馬

聖旨既於上船處繳納到官合今所在官司出給明白執照回日行省以

憑照用所引諸蕃人負如有

進呈之物即同顯驗若无詐偽夾帶所索衣裝腳力等從行省斟酌照

例應副開坐備細移咨都省照驗以備照勘准除相應都省准擬除

外咨請依上施行

○**奏過事內一件明**不花等江浙省官人每与將文書來差將下海去

的使臣每未到入去的時分早來有此及時分到兩騎小鋪馬喫祇

應開往七八个月又有正使臣并從人不分間將來有但差的下海

去的使臣每根底必須應付一二年的祇應糧食不分間正從去可

多費分糧今後正從人數分間明白斟酌合入去的時分相近數來

呵省戒祇應鋪馬明白的一般有与將文書來俺商量得他每的言語是的一般今後咱每這裏分間了正從人數斟酌時月教去呵明白也者當該官人每根底說与呵志生奏呵奉  
聖旨那般者欽此

大德三年 月 日江西行省准行通政院咨承奉 中書省劄付陝西行省驛昌便宜都總帥府呈臨洮府申本府接連土番交界要驛路過往人負并西番大法師到府停住數月取要分例每起一月或兩月不行起程支取分例逐年難以應當請就行通政院禁約事准此照得至元十九年二月初十日通政院奏奉

聖旨已經通行照會了當今拋前因仰行移禁約施行

大德三年二月江西行省據吉州路申有朝廷差來官

諸王位下使臣索要羊肉雞鵝赤酪老酒冬月索要木炭别无許文明乞明降事得此照得先准 中書省咨議

奏過事內一件江南做官去來的一個漢兒人說有江南行底使臣每与猪肉魚兒鴈鴨鴨喫不肯只要羊肉喫有那田地裏每一口羊用七八十兩鈔買有這般教站赤生受的一般奏呵若有猪肉呵与猪

肉喫者无猪肉呵交与飯喫者魚兒敢廣也者与魚喫者无呵也休  
与喫者羊肉鵝鴨鴨等飛禽休与喫者欽此

○**省例**大德六年二月福建道宣慰司承奉江浙行

省劄付據杭州路申為應付下番使臣往回三週年分例各官不要  
山羊只要比羊其南北羊肉價多每日增減不定今後下番使臣令  
支分例若應副山羊肉價周歲華省官外四百余定係為例事理移  
准中書省咨該兵部照擬回呈本部叅詳比羊既非南地所出出使  
人負分例若准行省所擬應付相應都省咨請照驗依上施行

○**大德八年七月江浙行省准**中書省咨御史其言為

諸王駙馬各枝兒勾當在各路裏幹辦公事鋪馬分例等事大德八年

三月二十八日

奏過內一件大都省官人每奏將來在前

諸王駙馬各枝兒差使臣來呵勾當完備了不迴去騎小鋪馬喫着在  
應住幾個月也有到一年的推調着不去有麼道因那里題說的上  
頭俺商量着大勾當呵与七日小勾當与三日者除那的外余剩不  
交与呵怎生麼道奏了各處行了文書來在後廉訪司官人每題說  
將來的上頭臺官每說這般与呵來的一般有再交省官人每商量  
呵怎生麼道奏了俺根底与文書來如今京兆省官每也与將臺來

諸王駙馬每的使臣有軍情勾當呵行省裏爲錢糧的勾當并其餘管民官一處相關的勾當有呵比及他每的勾當完備依在前與來的體例鋪馬祇應與呵中也麼道題說將來呵大都裏伴當每說將來委實有那般勾當呵依在前體例與者勾當既了推事故不廻去呵鋪馬祇應不交與除那的外他每的投下催趲幹脫錢地土造作勾當等與管民官無相關的勾當呵依在前已了的

聖旨交與呵怎生說將來俺這裏商量來不立限次呵不宜也者寬了的一般有軍情勾當與管民官有相關的勾當呵與半月限提調的省官路官每不揀該那個投下呵他每的勾當不交誤了即便完備與者與管民官無相關的勾當呵有大勾當的與八日小勾當與三日鋪馬祇應呵怎生奏呵奉

聖旨那般者欽此

○**臣從分例奏劄**開馬皇慶元年正月江西行省准 中書省咨兵

部呈照得諸衙門凡遇差使人員赴部倒給鋪馬本部斟酌緩急輕重須於蒙古字別里哥字上漢兒字明白該寫正從元刺亦幾名然後發落外據腹裏行省各衙門差來人員所費差劄并前站關文辨驗得多有不分正從一槩作正濫取分例及標寫元刺亦在外多要馬疋似此濫給甚多若不採治慮恐藉賴站赤爲此本部謹得前項

事理擬合移咨行省通行腹裏諸衙門今後若有必合差人等事須  
於差劄上明白標寫正從并兀刺赤名數不惟革去之體之弊誠為  
省行官錢優恤站赤人等兼准擬照會相應具呈照詳都省准呈

# 官吏

○自從之至元二十一年行中書省准中書省咨御史臺呈  
准行臺咨呂州路撫管府達魯花赤刺三呈照得在先江南之任官  
負約重遠近斟酌品級俱各乘坐鋪馬放支分例今既不許乘坐鋪  
馬自准已南所任還亦不同至於兩廣福建江西湖南浙東等處遠  
者數千餘里梯山航水況於溪谷之間素無店舍縱有居民聞馬一  
嘶輒皆閉戶驚竄不免投宿空屋人馬飢疲兼有盜賊輕則劫掠重  
則致傷人命今後江南之任官員許令宿頓館驛放支飲食馬匹草  
料庶幾官員不致沿路生受抑亦不使賊人窺覷養生事具呈照詳都  
省議得今後應赴任官員徑直前去任所自起程官司辦驗各官所受  
宣命勅牒許於館驛內安下驗坐去品級實有人口應付粥飯乃行  
前路官司依上施行已有駢坐鋪馬者不在此例除外依上施行

三品不過五人

四品五品不過四人

六品七品不過三人

○至元二十九年行御史臺移准御史臺咨呂州路撫管府達魯花赤刺三呈照得在先江南之任官  
政廉訪司申前按察司上下半年巡按所至之處開支分例今改立  
肅政廉訪司分治監臨坐地未審合無照依按察司体例依舊支





。大德四年三月中書省該河南省咨河南府  
申欽擬到擾民事內一件陝州孟津等縣申每年經過西番大師押  
運係官馬疋每一疋日支草二束折作一束料八升及馬二疋牽馬  
人夫一名前去隣境官司交割其行馬人負於內夾帶梯已馬疋多  
无前路關文每起牽馬人夫不下八九十名今後如有必合

進呈馬疋於始初起程官司取明白印信文字開寫實合應付馬疋草  
料人夫各處官司依驗應付相應咨請照驗准此送兵部議得今後  
各處官司必合

進呈馬疋於行移前路官司文字并押運人負差割內明白開寫實起  
馬數何處送納該支分例无得擾民若押運人負与各州縣官司通  
同作弊取要分物令各道廉訪司嚴加糾察相應得此照得先提兵  
部呈擬真定路洛陽城縣申每年有四川行省土番宣慰司都元帥  
府等處差來西番大師色目人負管押

進呈馬騾并狗隻每歲馬不過一千余疋狗隻不下一百余隻到縣下  
馬別无賣到差割止賣到各縣前路關文每馬一疋日支黑豆一斗  
草四束狗每隻日支米一升肉一斤取要咬馬鹽貨籠頭繩索及元  
押馬人負正從飲食分例不見明白數目中間夾帶梯已馬疋狗隻  
極多於內枉費係官不粮運人夫生受若不應付將本縣支持人

吏當罪人夫非理亂行打拷擾民不便本部欲得似此人貪因爲  
進呈經過去處取要分例馬疋草料未肯依例又无許支明文恃勢強  
取倘不滿意不唯官吏各被筆楚必致擾民以此奏詳今後各省并  
宣慰司等官貪遇有

進呈諸物并所湏物色湏要經由本處行省倒咨却於咨文并所委官  
差剖明白開寫行移該行站道經過官司以憑應付庶革前弊都省  
進呈請依上施行

○大德六年五月 日江西行省准 中書省咨批通  
政院呈准致用院咨備宣使阿里呈回帆船船附載使臣阿密忽三  
馬丁等

進呈豹子宣使阿里呈說有馬合麻等管押豹子赴北日要无骨肉七  
斤折要中統鈔八兩五不遇夜宿頓又要肉一十四斤今後遇有起  
發豹子行移有司每豹子一个日夜止應付帶骨肉七斤咨請照驗  
准此送據戶部呈備大都運司申照得由例分付金鈔豹每一个日  
支羊肉七斤大土豹每一个日支淨羊肉四斤小土豹每一个日支  
淨羊肉三斤自來遇夜不曾應付肉貨及折鈔兩体例本部恭詳今  
後如遇起發豹子沿路食肉若准大都運司所申應付相應具呈照  
詳都省合行咨請照驗施行

○應劭鷹鵂分圖至元八年八月尚書省准中書省咨為順天路  
劉五十為收住兎鵂不還官司用牛肉喂死都省取招決訖四廿下  
奏奉

聖旨既是那般呵打也不合打咱已前為這着鷹不還官司底人教死者  
麼道行下文字來那底忒重有今已後海青鷹鵂等拿着呵理會的  
人於就近官司便送納者不理會底人於暗房子裏坐下海青鷹鵂  
等教人看管休教插入去即便於就近官司說了者官司取去差會  
養鷹的好人送來者那般行文書者欽此遍行各路出榜所據收住  
合喂鷹食今約量擬定下項數目仍令食用新肉如无新羊肉殺与  
雞者省府除外仰照驗施行

海青兎鵂

早晨二兩

後餉二兩

鷹兎鵂

早晨一兩

後餉二兩

# 祇應

至元七年六月

中書戶部承奉 中書省札付

勾到隨路人吏打算至元五年八月至至元六年十二月終祇應外  
谷數內照得各路黃糯米出酒升約并小麥變麵斤重多寡不一為  
此擬到下項事理呈奉 尚書省判送批奉 都堂鈞旨送戶部准  
擬施行

●黃糯米出酒升約隨路多少不一為此取到中都上醞局并稟  
給司申見醞造祇應孟酒每米一石出酒四十五瓶大每瓶  
折酒二升計酒九十升省部擬依中都尚醞局造酒升約体  
例每米一石要出乾好酒九十升今將依稟給司見用升約  
一樣成造到鉄釘木升一柄印烙作樣隨此發去仰照驗依  
上施行仍將發下升約作樣常川收貯更仰總管府依元樣  
成造比較相同圓押印烙使用却不得應副宣使人貪酸薄  
孟酒亦不得尅減分例違錯

●小麥變麵斤重隨路多少不一今公議得每麥一石要磨白麵  
七十斤却不得應副宣使人等不堪食用麵實亦不得尅減  
斤重違錯

至元十八年十一月 御史臺承奉 中書省劄付

於閏八月二十五日

一奏過事內一件隨路管站的官人每使臣每根底少去了却說謊多寫着多破了祇應做罪過多也更破着長行馬疋草料俺商量來交樞密院御史臺行省各諸衙門一月裏頭差了的使臣一月省家裏去數目着父管站的官人每他与數目者兩下裏查對了呵說謊的也出來也後頭不敢做罪過也奏呵是也那般行者

聖旨了也欽此

至元二十一年四月通政院准來咨所轄站赤天熱山路崎嶇鋪馬倒死頻併站戶自行補買更自備首思靠損生受擬合官為應劄請照驗事至奉中書省照詳回奉都省劄付准擬施行至元二十五年湖廣省准尚書省咨欽奉詔書條登內一款節該軍國事務往來辦集全籍站赤氣力近年以來馬價益增又令站戶自行抵應使臣飲食以致站戶疲弊今後驛馬依旧令各戶置備外其余祇應分例仰官為支給欽此擬各站仰依例應付於年銷外內逐一照算施行无得違落承此又至元二十八年三月欽奉

條登內一款差出使臣飲食已有定到分例在前官司給降分數不足

其間官吏又有剋除致令社長大戶輪番祇待百姓深以為害今後合該鈔數以時從實給放毋復欺及百姓欽此

○至元二十八年

御史臺奏奉

中書省劄付來呈濮州

臨清縣司吏付汝林等侵使祇應鈔事都省批至元二十八年祇應鈔已經二次就於各路課程內放支中統鈔一万一百定張散各處從實銷用若有不敷預為申聞及有出使人負還省訖稱隨處官司俵散民間出備今再行議到合行事理差官馳驛前去各路正官依上施行今後仍令本處正官每月分輪提調去訖今批見呈除別行外今將二次行訖事理開坐如后仰照驗施行

四月初五日行訖

○祇應斟酌府州司縣驛程緊慢俵散務要均平无致當該人吏中間尅減其見發鈔數比及支尽須管預為照勘開申即便撥降不得似前分毫科取於民

○祇應合用諸物各項依時趁賤預為準備務要省惜官亦无致中間作弊

○所管去處各該祇應鈔數須令每月具報元收已支備細名項并見在數目隨時照勘若有支使不應即勒當該之人陪償

○使臣飲食已有定例仰取當該祇待人負執點文狀不得欺欠

多系破用其使臣人等強取者開具職名申覆合屬上司理會仍從按察司糾彈所在驛舍出榜張示

○祇應鈔數置曆收附從實支銷其見在數日本路正官常切點檢无致侵移借用

六月二十八日行訖

○發祇應鈔數照勘本路并所屬各各均俵數目是否相應除已支撥外檢較見在鈔數若有侵使短少即勒賠償仍取當該人負招伏在職官者呈報余從差去官与本路官司就便斷決

○祇待合用諸物各湏依時趁賤和買明置文簿從實支銷毋得循習旧弊預不准備臨時賒買多費官帑

○合用柴薪斟酌周歲可用數目於農隙時月計稟肅政廉訪司官於近上丁多戶內明立文卷具名置簿差倩人力驗數採取置曆支銷

○合用造酒米麵斟酌周歲可用數目於本路合納稅粮內驗數除留趁時准備造酒支用

○擇近便官地就用當館人夫修置菜園以供公用如无空閑官地去处不拘此例

○見今人戶祇待去處取問元歛之物已置備下酒肉米麵若責付本處官司別項作數通行支用此見在戶數差官同元祇待人驗數均給人戶收管仍取當該違錯官吏招伏申部呈省及今欽依

詔條隨處驛舍出榜曉示

○各處所委祇待人員凡使臣用過飲食數目每日具報所在官司逐旋檢較毋致冒破官錢

○發鈔數如有不敷照勘實有見在預為申部隨即撥降毋得似前民間科借

○**察院應照舊例**至元二十九年正月御史臺咨奉 中書省劄付兵部呈據順德路申該本府祇應所狀申切見祇待往來

朝省宣使官員合用飲食分例每員除依例應副米麵酒肉柴薪外止破油監雜支鈔二分委實不敷申乞明降本部看詳出使人員運送終日其給經過宿頓去處除依例應副米麵外公用纖湏蓋蓋元破中統鈔三分即日不敷所直以此纖湏之費致令各處官府為難今來量擬添作至元鈔二分支用庶幾不悞祇待如蒙准呈早賜明降都省今擬添作中統鈔一分除外仰照驗施行

○**開國路應延祐六年江浙省准** 中書省咨大德四年四月十二日



奏過事內一件去年

皇帝根底奏來漢兒賊子裏有的站赤祇應分物每年從這裏將去年  
然打弄有比附與的不敷斟酌與了交管民官從長規劃依時節  
收買雞鴨猪羊等牲自用的時分祇應者驛道奏了交行來如今各  
處行省官州城裏也依這體例交行呵省減官人百姓也得濟有  
麼道與將文書來行筆與將文書來行筆有人每也依這言語與  
將文書來有俺商量得依腹裏體例交行呵怎生奉

聖旨那般者欽此

# 雜例

○**官馬** 中統五年八月初四日 中書省欽奉

旨內一款節該今後諸路官吏遇省部勾集若騎長行馬斟酌定立起發盤纏騎鋪馬者不須應付

○**軍民** 至元十七年四月 行中書省准 樞密院

咨該准來咨准東道宣慰司呈據臨安府狀申有諸衙門官員往來取要飲食分例又有蒙古万户千户人負照依先例万户羊肉三十斤麵三十斤米三斗酒三十升千户減半百户比千户減半乞照驗事得此本省照得至元六年定例即係未請俸之先今又准樞密院咨上坐万户千户百户宿願處合支酒數即不見宿願經過合支米麵肉貨分例請照驗就便定奪各各分例回咨事准此本院照得軍官已定到俸給與米麵肉貨別无定奪外輒酒數已有中書省前付定到分例合行回咨請照驗依例施行

○**開路** 大德十一年正月江浙行省近為各路中稟站赤祇應庫子於捕盜司三吏內選差不便後往中書省咨大德七年奉使宣抚与本省講叙得各路祇應庫子於本站水馬戶余苗糧內差役二名就准本戶里正主首身役上下半年交替大德八年都省咨各

處抵應庫子人負於捕盜司見役人吏差多係无抵業皆非婦失陷官亦不便除已行下各處權依奉使講說站余有苗糧酌中戶內貼差一名上下半年交替就准本戶主首里正外咨請照驗准此部省相度如果便益周歲交換咨請依上施行仍具依准文狀呈自奉此照得先奉省劄亦為此事已行下本路依上點差發付各站祇待去訖今准前因仰照驗施行

○**食以國**延祐二年正月 江南行臺准 御史臺咨承奉

中書省劄付來呈備監察御史呈余林驛申奉兵部別里哥該有宣徽院即次差委和尚買得用等一十一起一十七人到驛抽分羊馬日給鋪馬關支分例驗得輕賁

**聖旨**南北口白羊等處抽分羊馬各人輒赴本驛住頓越食分例半年才行住罷累申兵部未蒙明降追回元食首思給付本站各人罪犯就便懲戒其餘站亦有似此人數擬合一体禁治相應具呈照詳得此送據兵部呈行擬宣徽院經歷司呈奉本院劄付照得都省承奉**聖旨**節該抽分頭疋羊口自前是宣徽院管來如今迤北蒙古百姓每各千戶并各處口子裏交它每委人抽分者城子裏交本處官司就便提調抽分者欽此委令和尙等充南北口等處抽分羊馬官力當不見充定置司去處各人不應於余林驛置司貪飲食首思常行坐鋪

馬一節合從兵部條例定奪具呈照詳得此照得欽奉

詔書內一款前該延祐元年正月二十二日已前除謀反大逆謀殺祖  
父母父母妻妾殺夫奴婢殺主故殺致命但犯強盜無傷盜字鈔及官  
吏取受侵盜係官錢糧不存免其餘一切罪犯已未發覺並從釋免  
欽此本部認得宣徽院所差抽分羊馬官和尚買得用各人止於所  
替南北口等處抽分羊馬速奉却於榆林驛置司聚集常川騎坐鋪  
馬支請分例係延祐元年正月二十二日已前事理似難追給今後  
抽分羊馬官即從都省割付宣徽院嚴加分揀擲節應差人赦欽依  
聖旨事意於南北口等處趁時依例抽分羊馬毋致作前於榆林驛聚集  
坐食曾思長騎鋪馬搔擾站赤違錯切恐其餘站赤行省所轄去處  
如有似此人數擬一体禁治相應開坐具呈照詳得此都省已割付  
宣徽院移咨各官依上施行

戶部卷之三

典章十七

戶計

籍冊

軍戶

分折

承繼

逃亡

斷例

二十七 三十七 四十七 五十七 六十七 七十七

州官占戶

供送粟麥

米麵柴草

縣官占戶

供送粟麥

米豆油草

錄事司官

隱占戶計

供送油菜

縣吏占戶

取要差發

縣官一

面科差

州判

知州 同知

簿尉 縣尹

簿尉 縣尹

主簿 縣尹

權司吏

請俸 司吏

罷役

解見任別 行求仕

同前

各解見任期年後 降元職等叙用

俱各罷役還科差發 依公支用不追人情 錢用追給元主

# 籍冊

。戶口條畫至元八年三月欽奉

皇帝聖旨批尚書省奏乙未年元欽奉

合罕皇帝聖旨抄數到民戶諸王公士駙馬各投下官貢分撥已定壬子年欽奉

先帝聖旨從新再行抄數當時行尚書省不曾子細分撥至今二十年間爭理戶計往後取勘不能裁決深不便當今次取到逐項諸色人戶檢會到累降

聖旨欽依分間定奪各各戶計擬到逐款條例所批取勘到合當差發戶數依已降

聖旨再行添額並令各協濟額內當差人戶事惟奏仰隨路府州司縣差曹花赤管民官吏管軍官及不以是何投下諸色人等照依

尚書省所奏條畫事理施行

○諸王公士駙馬并諸官貢戶計

諸附籍漏籍諸色人戶如有官司明文分撥隸屬各位下戶數曾經查對不納係官差發別無巡改者仰依舊開除諸逋北隨營諸色戶計於壬子年籍後前來隨處看守庄子

放牧頭疋或諸處寄留人等不曾附籍即目於本使處  
送納錢物之人諫屬各道

諸位下井諸投下人負招收到附籍編籍放良還俗等人口  
會到

合字皇帝聖旨節該民戶內續數出來底漏籍民戶有呵只數都屬那見  
住州城田地裏有者其元招收來底人不須管領又奉  
先帝聖旨諸王公主附馬并諸投下不得擅行文字招收戶計及中統元年  
詔書內一款節該諸路應有漏籍戶并老疾女戶截日並行分付本路  
管民官收係其斷事官元差頭目及行罷去又至二元  
年諸王共議定

聖旨條畫內一款依着

先帝聖旨諸王公主駙馬并諸投下不得擅行文字招收戶計除將各位  
下已收入戶照依累降

聖旨改正分付各路收係當差仍常切禁約投下人負无得似前亂行招  
收如有違犯之人仰管民官捉拿取問是實申解赴部  
呈省究治如管民官今後不肯用心收拾及看循面情  
縱令諸人招收人口定是解任斷罪

五投下戶

上都北京西京隆興平涼五路戶計為有爭差至元二年

中書省欽奉

聖旨撫納陳駙馬帖里干駙馬連哥國王蝦真忽都五投下戶計仰差官  
与各投下頭目各州縣管民官勾集元主并驅戶一同  
對盜得委係各人出軍時馬後稍將來底人口達達數  
目裏有呵分付本投下者於當差額內除豁如對証委  
係好投拜人戶及在後投屬或本投下招收到底人戶  
作民當差欽此 中書省差斷事官帖木烈三岳等前  
去北京松州興州平涼西京宣德等處欽依

聖旨一戶戶檢照之未壬子籍冊對証分間定造到備細文冊撫今次取  
勘到前項軍站人戶於元報冊內查照相同依舊開除  
外有壬子年元籍无爭差蒙古牌甲內當軍站戶計亦  
仰開除

中都迤南路分壬子年元籍除差軍站戶見行應沒或納錢  
物者依舊開除外別无身役戶數仰收係當差

中都迤北隨營諸色人等於壬子年籍後前來見應當軍站  
差役之人依舊開除

各投下軍站戶



壬子年隨路元籍除差軍站戶計見行應役或納分物者依舊開除外別无身役戶數即仰收係當差

迤北隨營諸色人等於壬子年籍後前來見應當軍站差役之人依例開除

○隨路壬子年抄過諸色人等戶會到辛亥乙卯年間兩次

先帝聖旨節該不揀甚麼人底民戶州城子裏去了那田地裏種田蓋下房子住坐有呵只那住底田地裏和那本外民戶差發鋪馬一般當者根脚千戶百戶裏有底渾家孩兒人口每千戶百戶裏也教依旧体例裏當差發者俺每底聖旨省諭听了呵不揀差發鋪馬祇應不當无住處不去趨避隱藏底人本人處死財產沒官當時前行尚書省依着

先帝聖旨欲將此等戶計科差却称俺每起移元住田地裏去此上除了差發來今次取勘却有不曾起去戶數仰依着先帝聖旨收係當差

○軍戶

蒙古探馬赤投下軍人不在當差額内无問附籍漏籍應役不應役今次取勘到官發与樞密院收係就便定奪漢兒軍戶不在當差額内者

諸正軍今次手狀

見萬戶千戶有當役去處及不應役人等或經分間貧難  
听候軍戶无問附籍漏籍依舊充軍

緝見在軍前當役之人軍籍內昭不見姓名今次取勘見  
數亦仰充軍

行律貼某人軍身查照軍籍內有姓名者作貼戶无姓名  
者收差

諸正軍并貼戶下合併累贅戶今次手狀

緝乙未壬子兩年另戶附籍或漏籍如軍籍內有姓名者  
依舊貼戶頭貼戶當軍如无姓名者收係科差

諸放罷貧難正軍已收入額當差并改撥作匠軍人其元籍  
貼戶兩就到今不曾應當差役仰收係當差

站赤戶

蒙古站戶脚色明白見在當役去處依旧當站

漢兒站戶无問漏籍附籍於元撥站戶戶籍內查照相同依  
舊當站外查照不見戶數收係當差

諸色人匠

係官諸色元籍正匠并改色人匠見在局造作者依舊充匠除是

諸投下壬子年元籍除差畸零无局分人匠自備物料造作  
生活於各投下送納或納分物之人依舊開除外不當  
差役人戶收係當差

諸投下蒙古戶并寄留驛口人等習藝匠人隨路不帶附籍  
每年自備物料或本投下五戶絲內開支物料造作諸  
物赴各投下送納者充人匠除差

諸壬子年附籍軍人諸色人等別无上司改撥充匠明文  
稱即日入局造作或於各投下送納者仰憑籍收係應  
當差役

諸漏籍戶投充人匠改正為民收係當差

 驅良 蒙古牌甲戶駟

壬子年另籍蒙古牌甲駟戶自抄數已後每年爭告金經省  
部斷定終不絕詞照得甲午年欽奉

合罕皇帝聖旨不論達達回回契丹女直漢兒人等如是軍前虜到人口  
在家住坐做駟口因而在外住坐於隨處附籍便係是  
皇帝民戶應當隨處差發主人見更不得識認如是主人識認者所按打  
奚罪誤又照得

先帝聖旨即文  
新報忽  
後數目  
法了  
底休例  
阿誰民戶有何俺

每種來底寄留下底種田底出軍底那般推辭咱每根底不商量住來底田地裏休起移者打捕鷹房不問是何投下民力有河滾着您每定下底差發抄上過本坡子裏官人每根底納者欵此所擬另籍駢戶已在當差額內依着

合罕皇帝聖旨

先帝聖旨裏依舊當差主人不得識認起移外今次取到駢口金係壬子年另作附籍當時開除止納本使分物到今不曾應當係官差發依舊除豁不行收差

壬子年另戶附籍額內駢口各處作逃亡事故開除至今不曾送納係官差發今次取勘到官雖壬子年另戶附籍仰依舊開除

壬子年主奴不曾附籍依舊開除若本使附籍戶下漏抄駢口已在當差額內主人不得識認外不經收差戶計今次手狀稱見當本使差役者依舊住坐不當本使差役者仰作漏籍戶收係當差

乙未年另籍駢戶欵係

合罕皇帝聖旨便是係官民戶如壬子年却未曾抄上仰作漏籍戶收係

當差主人不得識認

乙未壬子二年本使戶下附籍人口各年軍籍內不曾撥報  
並仰收條當差

乙未壬子二年本使戶下漏籍人口因而在外另籍或不曾  
附籍在後本使却於軍籍內作馳撥報之人即仰為良  
充貼軍戶計

諸色戶驅良

乙未年附籍民戶壬子年於他人戶下作馳抄上或漏籍仰  
改正為民以係當差如經過趙小來叛亂被虜為驅及  
為奉佛兒斷沒之人不在此限若壬子年另戶附籍依

例定奪

乙未壬子二年

本使戶下附籍驅口因而在外另作驅口或寄留種田人  
等附籍依例收係科差仰於本使戶下除重籍人丁差役  
本使戶下不曾附籍其驅口在外抄過者仰依例收係科差  
本使戶下附籍驅口在外不曾另籍今次或稱宅外另居  
及好投拜民戶依舊為驅

乙未壬子二年本使戶下附籍驅口壬子年另下不曾抄上仰作漏

籍戶收係當差主人不得識認

乙未壬子二年主奴俱各漏籍即日另居今次取勘到官不

在當差額內者依舊為駢

今次取勘到元使駢雖稱他人駢不見本使下落收係當差

已後主人識認照勘是實分付本使

一放良民戶

諸良書謄寫任便住坐或為良者仰依良書收係當差

諸駢以壬子年已前得訖良書却於他人戶下作駢附籍比

及照勘以來除軍站急遞鋪駕舡人等戶下附籍人口

照籍相同改正為良充貼戶外其餘諸色人等戶下籍

過戶數並仰收係當差

諸投下放良戶良書上該寫不得投屬別管官司戶數仰作

本投下人戶收係當差

諸良書該寫如遇抄過為良或作戶者仰依良書另立戶名

收係當差

諸良書已放為良任便住坐其本使再立津貼分物或分當

差役等文字並不准使仰依元放良書為民收係當差

諸人駢口雖與財物同若駢口宅外另居自行置到重元

買人出放為良者並從為良本主底使長不得爭理

諸放良戶年限未滿或贖身分未足者仰合屬官司籍記收

戶候限滿分足至日科差

諸主子半附籍滿籍戶已經上司分撥與各投下并諸官員

戶計如戶下駝口本主放良者憑良書依例歸着

一 斷案主戶

諸犯刑官員已經朝廷斷沒家屬并戶下駝口並依已斷發

付合屬收係

諸色人等因為犯事不問罪名輕重一例將人口財產斷沒

給與事主或所斷官員分訖中間亦无所犯情罪不及

斷沒人口今擬在刑已經欽奉

聖旨并諸王人等忽都虎官人文字斷過者別无定奪外其餘斷事官府

州達魯花赤官員擅自斷訖之人除犯重刑者另行定

奪外餘者雜犯人等改正為民收係當差

一 轉斷戶見奉

聖旨諸王人等隨路做買賣之人欽依

先帝聖旨見住處與民一體當差

一 回回語記戶欽奉

先帝聖旨不陳這麼人底民戶州城裏去了底只那住地面裏和那本處

民戶差發鋪馬底應一般當者那根脚千戶百戶裏有底軍家孩兒人口每千戶百戶裏也教依舊條例裏當差發者仰收係料差如回回戶內有新食出軍戶數至日開除

○答失蠻迭里威失戶若在回回寺內住坐並無事產合行開除外擬有營運事產戶數依回回戶體例收差

○打捕元

壬子年附籍打捕戶應當絲料色銀替頭裏迭納皮貨到今別无定奪若有爭差戶計經官陳告者仰照乙未年元籍名色繳着

壬子年附籍打捕戶迭納皮貨不納斤絲仰揭照壬子元籍相同止令應當絲料如不係打捕戶計即便收係与民一体當差

○儒人戶

中統四年不經分陳附籍漏籍儒人或本是儒人壬子年別



作名色附籍并戶頭身故子弟讀書文高智耀收拾到  
驅儒仰從實分棟能通文孝者依例免差不通文孝者  
收係一個當差外諸色人戶下子弟讀書深通文孝者  
止免本身雜役

### ○折居戶

軍站急遞鋪馬廐滿籍鐵冶戶下人口折居者揭照各籍相  
同止今依舊同戶當役如无者收係當差

民匠打捕鷹房諸色附籍滿籍人等戶下人口折居者依例  
收係當差如局分見役人匠不敷從 尚書省定奪  
運司煎鹽鹽戶下人口折居者仰充鹽戶收係當差料

### ○招女婿

#### 養老女婿

妻亡出舍另居自行娶到妻室却稱津貼丈人戶下差發或  
納本投下差發之人仰收係當差外輒丈人出備財錢  
別行求去妻室及分訖事產津貼者依旧同戶當差  
元議養老女婿有丈人要訖財分或因事已將元妻休弃即  
目另居別行娶到妻室无問籍內有无收係當差

及人於他處居住作養老女婿即目養老丈人丈母另居  
其元使或弟男依舊作使使用除軍站急遞鋪馬廐

戶揭照各籍內有姓名者為良作貼戶收係外其餘民匠諸色人等无間籍內有元即仰收係當差

年限女婚

歸宗与父兄同家住坐應當差役之人别无定奪

年限已滿不行歸宗今次另供到手狀戶數仰收係當差

年限未滿即目另居取到手狀之人仰合屬官司籍記作戶

收係候年限滿日依例科差

諸奴婢嫁娶招召良人至元六年正月內 中書省行下戶部

遍行隨路不得嫁娶招召良人如委自願者各立婚書

許聽為婚已行禁約來今擬照依前例成婚如正駁已

死仰令良人所生男女另立戶名收係為民如軍籍內

有姓名者為良作貼戶

諸人戶丁漏抄親駁人丁今已成丁雖稱与父兄或本使同戶

應當差役者无問軍民人等並仰收係當差若軍籍戶

下人口軍籍內查照有姓名之人同戶當軍

砂井集寧靜州按打堡子四處壬子年元籍愛不花附馬位下

人戶揭照元籍相同依舊開除

○諸附籍漏籍合併戶數如自願析戶者另行收係當差不願者

聽仍令合屬官司籍記見數應當差役

○隋朝并各位下諸色承應人見不承應者收係當差

○隋路諸色不當差人戶除軍站戶限地外照依累降

聖旨種田納稅買賣納商稅

○今以取勘戶計若有隱漏者從尚書省立限刑勘施行諸投

下不得招收違者治罪

○尚書省今以分間到諸色人戶已後諸王公主駙馬或投下人

負事理戶計公事依着

先帝聖旨不得一面起移亦不得擅自更改須管經由尚書省照勘依

例定奪施行

○涿州合蘭木西京忽蘭南京張子良各管戶計欽依

聖旨已經革罷隸屬各路為恐元管人戶爭差且令各投下頭目管領科

差今以取勘見數其元委頭目合行罷去仰各路依已

行收係科差

○聖旨這事漢兒每變子田地裏去了的多少有各城子裏出榜交要數目

者隱匿的人有罪過者欽此都省咨請欽依

聖旨事意行下取勘止項戶計元籍州縣村坊見住去處根脚應當是問  
差役巡冊咨來仍出榜省諭无得隱匿如有違犯之人斷罪施行

○**江西行省撫撫州路民戶黎孟一**

告自亡宋至歸附後係民戶附籍有叔黎千三亡宋時係不請投  
寨兵各居歸附後已行身死本路軍官李彈壓強捉鎖縛充軍監禁  
不放等事叅詳各翼新附軍人俱有定籍民戶已有抄數到官戶冊  
各依已籍為定不許軍官徑直差人勾擾百姓充軍是為便當都省  
准擬剗付樞密院照驗施行

○**田田至元二十五年 月日欽奉**

聖旨節該尚書省見於片陳洪澤兩處初立屯田之降

聖旨事惟奏仰行尚書省從長規畫務要屯田事早為成就將已撥軍人  
戶計更為召募江淮等處人戶願入屯者常切存恤仍免一切雜役  
務農其間諸人毋得沮壞欽此

○**尚書省咨欽奉**

聖旨事意節該不以是何投下大小人戶若居山林畝洞或於江湖河海  
舡居浮戶並赴拘該府州司縣一体抄數毋得隱漏挾抄數訖戶計  
有司隨即出給印押戶貼付各戶收執於內土居寄住人戶編立保  
甲逆相查察毋令擅自起移隱漏口數累橫戶口惡累隣化漏報人

口知情不首一百七下漏報事產七十七下欽此

○**又**至元二十八年三月欽奉

聖旨內一款該江淮迤南近因抄數力口民間竊謂科取差發妄生驚疑自來元籍乃有司當知之事其勿疑懼

○**又**至元二十九年八月准 御史臺咨監察御史呈為

大都路失散戶地籍冊事今後擬令各路府州司縣將自前至今抄數到頭色戶籍地畝千照文冊取勘見數補寫完備如法架閣正官首領官得替相公交割解由內依式開寫察官照勘卷時依期檢奉但有不完隨即究治呈奉 中書省准呈施行

○**又**至元二十九年四月 江西行省准 中書省咨來

沔陽江路軍人劉貴將男劉賢弟於至元十七年過房與民戶楊四五為男二十一年劉貴告首充軍隔兩月身死二十二年伊妻向陳改嫁他人二十七年抄戶楊四五將劉賢弟立名楊繼生於戶下供籍外據劉貴為係戶絕萬戶府將本人除豁了當若准所擬為民係為例事理請及奪送戶部行據省架閣庫批照得臨江路至元二十七年抄戶冊內民戶項下楊四五籍內委有男楊繼生名字本部看詳劉賢弟雖係軍人劉貴親男却係伊父劉貴將本人自願過房與民戶楊四五為男之後本人充軍身故楊四五既於至元二十七年

抄戶時分已將刻賢第立名楊繼生供報入籍擬合為民當差乞照詳都省准擬咨請依上施行

○**歸善縣**大德五年二月湖廣行省割付檢會到至元二十七年八月初六日欽奉

聖旨抄數戶計又准尚書省咨議到抄數諸色戶計數內儒人戶計數得腹裏儒戶至元十三年試中若止免一身差役所擬江南儒人比及選試分揀定奪以來將婦附之初元籍儒戶於儒戶項下作數外擬已後續收儒戶收係為民又醫人戶計數得除先收給到醫戶內有名字并節續赴

上承應醫戶作醫戶榜報外擬其餘各年續收醫戶擬合於民戶項下橫報省府相度至元二十七年抄數籍定儒醫戶計數合欽依除免雜泛差役外據續收戶計別无定奪合下仰照驗施行

○**興寧縣**至大三年十一月江西行省准尚書省

咨戶部呈查照得簡路報到科徵至大二年差稅倚免項下被災曾經賑濟人戶姓名為差定鼠尾并實徵解內戶名通互差物不同畧李如益都一戶鼠尾冊劉珍賑濟巷內李黑兒實徵解內注傷劉珍同戶李黑兒有鼠尾冊內系料數少實徵倚免數多者有不曾申告災傷賑濟實徵冊內倚免者有同戶張二支請賑濟却將不經賑濟

戶頭李四差發一例除免者又賑濟元文明該受官各處從下分間  
貧窮不能自存小戶賑濟今少查照得曾經賑濟人戶數內有請鈔  
一二兩或支米三四斗除免合該絲五七兩有至三二百兩者此等  
人民雖為貧下小戶亦有營居人戶正名不曾申告災傷賑濟其各  
管頭目人等代替申報各州縣並不照勘取問便行移文元籍官司  
倚除似此名項甚多不能一一遍查蓋是各處當該官吏不以錢糧  
為重縱令鄉胥人等與人戶通同捏合作弊冒倚差稅叅詳今後各  
州倘遇申告災傷或稱缺食者須要人戶供寫元籍戶名及見告人  
人名字稱說係是戶頭人子姪弟姪舅外甥審問明白方許受理  
寫居者亦依上例令各戶親赴見住地面官司陳告體履保勘是實  
各用勘合關牒行移元籍官司以憑查勘除若如是依前供告不明  
姓名差初冒申多倚或頭目人等代替申告及將上中戶計充貧  
窮缺乏下戶支請錢糧冒除差稅定將當該官吏追陪斷罪似望少  
革其弊如蒙准行遍行照會都省准擬依上施行

○**續前** 皇慶元年正月江西行省准 中書省咨來咨南康路申  
打捕提領趙昌所管打捕戶計未經各州縣發遣乞照驗得此咨  
請回示准此送欽兵部呈行送管領諸路打捕鷹房總管府狀申於  
仁震縣交割到元行文卷內檢照得別无上項卷宗照得至大四年

三月十八日欽奉

詔書內一款節該諸色人等各有定籍今後各投下諸色人並遵  
世祖皇帝以來

累朝定制不得擅招戶計誘占驅奴違者治罪欽此除欽依外擬合將  
趙高依例革罷外契打捕人等額納皮貨有司依旧管領相應庶望  
不致擾民違錯申乞照驗得此本部參詳合准本府所擬移咨行省  
將趙高革去所納皮貨有司管領相應具奏詳照省准擬



# 軍戶

**編修軍戶**至元六年三月 中書戶部來申管紅花辛保本管民戶張錫男張文煥狀告有壬子年間籍收張聚制作私走小路軍人其元供手狀止報張聚三口別元文煥姓名依例收係為民當差奉省部照得近擬平陽路申私走小路軍常德告與伊父常存一同當軍之除合著差發為元供私走小路手狀內止該為常德并妻男當差五口別元伊父常存并其次弟男家口合今常德充軍外常存依舊當差呈奉 省劄准擬去訖今擬見申准抄到張聚當差二口元供私走小路手狀別不見元供的本手狀抑更為照勘張聚元供的本手狀如委係當差三口別元張文煥姓名家屬依上施行

**范陽縣李帖驛狀告**壬子年於姑夫馬部戶下附籍丁巳年姑夫李氏王婚於本州軍戶馬十家內與伊女青兒為婚一十年為滿如是丈人戶下但有軍役並不干帖驛之事此時令韓先生寫訖合同婚書各自收執却有丈人馬十令伊姓男郭家奴前來帖驛處取要貼軍務物乞定奪事得此責得馬十妻阿剌狀供相同拖照已未年軍籍內何科名下附籍李帖驛籍定府司若便依元立婚書歸斷誠恐

未應將此本部恭詳李帖馬已是出舍金是已未年革籍內馬十戶  
下籍過擬合出籍與壬子年同戶姑夫馬郁一同帶差呈奉  
都堂鈞旨送本部准擬施行

# 分析

○抄數後分析至元七年八月 尚書戶部近擬太原路申見取勘不當差戶計協濟見當差人戶於內析居戶計若戶長与戶下俱願析居別无定奪中間却有戶長願戶下戶不肯從順戶下戶願戶長却不從順乞定奪事省部議得見欽奉

聖旨條登壬子年合併抄上戶計自願析居各另者听從民便欽此呈奉到 都堂鈞旨擬定下項析居戶体例照依施行

① 同姓叔姪兄弟壬子年同籍至今同戶當差者止令依舊一戶當差如有兩願析戶者听

② 同姓叔姪兄弟壬子非同籍異居同戶當差雖是異居未經分另者兩願析戶者听

③ 同姓叔姪弟兄已有支析文字另居文書或无文字已經分另異居者虽是壬子年同籍一戶當差不以戶長并戶下自願析戶者听

○大德二年八月至元八年七月御史臺承 尚書省札付來呈監察御史体究得隨處諸色人家往往父母在堂子孫分另別籍異居實傷風化乞照詳送戶部講究得唐律祖父母父母不得令子孫分

另別籍又舊例女真人其祖父母父母在日支析及令子孫別籍者  
听又條漢人不得令子孫別籍其支析財產者听今照得仕民之家  
往往祖父母父母有支析文字或未曾支析者其父母疾篤又亡歿  
之後不以求醫待疾喪葬為事止以相爭財產為務原其所由自開  
刑以來其漢人等別无定制以致相爭詞訟紛擾如此若依舊例卒  
難改革以此恭詳隨代沿革不同擬合酌古准今自後如祖父母父  
母許令支析別籍者听違者治罪省府准擬仰照驗施行

○禁家子異居 至元二十五年正月准 中書省咨擬王良輔陳言  
事送礼部擬到下項事理都堂開坐請依上施行

○新附江南地面多有所生兒男娶妻之後与父母另居良輔  
尋思即今昆仲虽有析居之例尚違友愛之道是以君子  
取為豈有父子另居之礼今新附地面循習亡宋汚俗尚  
然不悛若不改正溫清定省之礼安在今後若有似此違  
犯之人痛行治罪庶望衛生孝道部擬正人倫厚風俗  
國家之所先務今本人言江南父子異居之理雖不見所指明白然於  
風教實為至重擬合移咨各省令所在官司遍行誨諭如  
素有不孝不悌之人自有常刑

# 承繼

○軍民承繼法至元五年七月中書左三部為臺城縣劉順拋下事  
產却有親房軍戶姪男劉興乞承繼事省部照得先奉中書省副  
付為平陽路鄭湛淨告男挨哥漏籍事身年幼兄鄭大見充軍戶年  
老別无子嗣合无將男挨哥承繼祖業應當貼戶身役樞密院講究  
回呈議得軍戶內若有如此之人依上為例承繼當差為便省部行  
下合屬將挨哥應差貼戶身役以已後民戶有无子之家軍戶內却有  
合承繼同宗弟姪亦仰依上施行

○福建承繼法至元二十九年十二月福建行省撫邵武路申承繼  
福建承繼法分司牒体知得南方士民為无子嗣多養他子以為義男  
目即煩姪姓氏異同昭穆當否一切不論人尊私意事不經久及以  
致其間迷礼乱倫失親傷化无所不至有養諸弟從孫為子者有不  
睦宗親捨拋族人而取他姓為嗣者有以妻之弟姪為子者有以後  
妻所携前夫之子為嗣者有因妻外通以奸夫之子為嗣者有由妻  
慕少男養以為子者甚至有棄其親子嫡孫順從後妻意而別立義  
男者有妻因夫亡听人鼓誘買囑以為子者有夫妻俱亡而族人利  
其資產爭願為養子者由是民間氏族失真宗盟乱叙爭奪累作迭

與詞訟為謀貽患終致破家亦絕然禁其保立龍繼有異姓之子能奉香火然神不散非類寧得感通有後名存實為絕嗣人情至此孰不哀憐切照旧例諸人无子听養同宗昭穆相當者為子如无听養同姓皆經本屬官司告給公批於各戶籍內一附一除養異姓子者有罪古人思患預防立法如此存亡繼絕可行无弊着詳南人立嗣不經官司致此多端亂倫傷教若不早圖禁止非惟禍敗私族而已深恐漸將官司所抄戶籍壞亂難整又致改名過房販賣良人者得以藉口遂其奸計如酌舊例更定教條除在先已立者姑听外此後悉令依例布告遠近一新汚俗庶幾民習還淳永革前弊為此移准總司牒申奉行御史臺劄付該仰与有司從長講究行移各屬就申行省定奪施行奉此今与各路總管府官一同講究得父子嗣續人倫大本同宗繼紹氣脉感通非我族類神不散享私立異姓徒啓禍源如前弊俗理宜更革兼可預防發亂戶籍潛息販賣人口准上禁治為便牒可照驗備申行省照詳施行承此照得本路近擬錄事司申解到同撫祖墳人黃雲瑞育得元係廣西道賓州人氏本姓陳隨姑陳氏嫁事黃千一將仕為无嗣子立雲瑞為嗣於至元二十九年四月二十日妾以祖公黃百十二知府墳墓風水不利為由令呂百七等將墳墓掘取訖棺內銀器等物及將尸骸燒化移於他處却將



听養子皆須明立文字兩家并說合俱各畫字仍須經官告給公  
據不許似前捏合生前文字亦不得年小預先抱子及將所抱之子  
轉与他人違者治罪

○  
大德二年二月二十八日

江西行省移咨

都省咨文來咨蕭阿周告吳蕭念七存日將男許真過房与伯蕭千  
八為男伯母蕭阿謝將伊兄謝五四男謝顏孫私立為嗣責得蕭阿  
謝狀結至元二十年与夫蕭十八商議將兄謝五四次男顏孫之養  
為男改名蕭福九在後夫蕭十八并妻阿曾身故蕭福九承服持孝  
至元二十七年官司抄戶蕭福九為戶頭供報別不曾養蕭許真為  
嗣本省若擬蕭福九歸宗即係蕭千八生前立繼兒男十有六載抄  
籍立戶當差及承繼孝服又與蕭念七自來別籍蕭阿謝不曾別立  
嗣續似雖出離家請定奪准此送礼部照擬得蕭千八為无兒男過  
繼妻姪謝顏孫改名蕭福九蕭念七生子到其具其本人生前不曾  
爭告繼立至至元二十年身故伊妻阿周於元貞二年赴官陳告夫  
蕭念七存日欲將男許真与伯蕭千八為後泰詳蕭福九既係蕭千  
八生前生繼立為嗣抄籍立戶經持祖母孝服又与蕭念七自來別  
籍另居合咨行省再行取問若无差異准擬相應具呈照詳  
都省省擬咨請依上施行



又大德四年四月 日 江西行省准 中書省咨來咨備袁州路

申至元二十六年八月內張元俊告伯妾阿措立元俊次男益孫為親男安老後將田土房屋分作兩分一分與元養男張元平一分與益孫承管抄戶納糧不防表道判說合伯妾阿措將益孫分到祖居立為宗明觀看詳張庫使拋下田產二十五頃七十五畝除過房男張元平一分該田七頃八十一畝承戶納糧外有田七頃九十二畝張庫使生前遺孀張真養隱其措惠真起立宗明觀以張庫使男張安老為戶納糧今張元俊爭告却緣敬奉

皇太后懿旨措惠真分到田地訖回与宗明觀養贍道衆者敬此本路豈敢不遵合從省府移咨都省

啟稟明降非本路專與之事申乞照詳得此咨請照詳准此 都省照

得本省先咨張庫使至元二十二年身故二十六年伊妾阿措為乞養男張元平不聽教訓親男張安老夭亡自行具狀赴錄事司告給公據立同祖親姪張元俊男益孫為安老後承繼張庫使戶名至元二十七年供抄入籍當差至元二十八年阿措捨俗出家礼邵法師為師將溪園祖居勘立宗明觀張元俊告發到官本婦狀結前項田土並不曾捨作常住已咨本省斷令張益孫收繼當差去訖其邵法師却將措惠真告批過房抄上入籍同祖姪孫張益孫作疎族姪張

元俊妻稱已曾過房為男又將張益孫已承繼田土作褚惠真受分物業騰騰赴

皇太后位下呈告以此議得褚惠真并俗為道削夫張庫使拋下田產已令乞養子張元平與入籍孫張益孫承繼戶名應當差稅合准已擬令張益孫依舊為主管業除外咨請依上施行

**具奏**

大德四年八月

行御史臺劄付近擬監察御史呈

擬萬永年狀告係鄂州路錄事司附籍儒戶有叔父萬珙身故即无兒男本宗除亡之外止存永年係故叔萬珙親姪有姜仲一係故叔父存日買到人口將應有家私拘收為主具狀告到湖廣行省送理問所歸問止擬叔父萬珙義婿韓一供指將叔元買到姜仲一捏合為乞養之子通同承頂萬氏物業改姓萬善達為戶偏向不肯依例歸結等事得此追照得湖廣行省理問所元行文卷內該萬永年元告萬佛兒并女使宜姐與娘俱係萬珙生前買到人口錄事司取問得佛兒係萬珙生前過房為男宜姐與娘係過房為女今次追到萬珙戶帖查照與各人所供相同責得萬永年狀供擬姜仲一有韓一說稱係叔父萬五乞養之子永年至元二十六年六月前往潭州等處勾當並不知會故叔父萬五乞養佛兒為男根因所有宜姐與娘叔父生前止將為婢使喚今官司檢照戶冊照得故叔父萬五將佛

兒爲男宜姐與娘爲女供報在官如家依理歸斷准伏无詞本所議  
得萬佛兒係至元二十七年抄戶籍面內萬珙生前已立爲嗣若准  
錄事司已擬令万佛兒承繼萬珙家業相應呈准本省劄付依上歸  
結施行照到如此看詳万珙生前將姜二親子於至元二十七年作  
男佛兒供報入籍大德元年姜佛兒却赴錄事司改名万善達爲戶  
承管万珙家業其万永年累次經官陳告保万珙親姪例應承繼若  
依理問所據籍議擬呈准行省劄付斷付養子佛兒承業本人終是  
異姓之子有失人倫之道莫若於万珙所爭家財內以十分爲率量  
以二分給付佛兒以充養育歸宗之資餘听万永年承繼万珙戶名  
庶使戶不差迭又且杜絕後訟乞照詳得此憲臺欲得爲係破籍更  
戶已久爲例事理移准御史臺咨呈奉 中書省劄付該都省欲得  
江南似此乞養過房爲子者多比及通行定奪以來依准行省所擬  
并令万佛兒承繼万珙家業立戶當差仰照驗施行

# 逃亡

**軍民逃亡**至元二年正月樞密院執東平路與魯總管府申軍戶宋全王順狀告甲寅乙卯年間簽軍時有管民官司令全等頂替逃戶訾德王仲充軍為全等貧難無力却撥到訾德等拋下地產官司給到公批令全等永遠為主至丁巳巳未二年查對軍時將元撥地乘本戶下姪上磨問過有訾德復業却行爭要為此呈奉到中書省文字今後如有似此於簽軍時避當軍役在外拋下事產改徐見充軍戶代當時所拋事產官司給到公批標撥見充軍戶為主本人復業却行爭要元拋事產者止斷付見當軍戶為主如軍民在外拋下事產有他人佃種若本主復業照依已降條畫給付本主樞密府仰照驗坐去事理今後如有似此爭告之人就便依理歸斷施行

**軍民逃亡**至元十年閏六月中書吏禮部承奉

中書省元呈宋安仁陳言事理批奉 都堂鈞旨批逃亡戶事產人戶種佃一節并禁治大都穢言事理送本部就關合于部分依施行

○項未安仁照得

聖旨條畫內一款節該戶口流散籍帳隱沒農桑不勤倉廩耗為私蓄

害黠吏豪宗兼并縱暴及貧弱冤苦不能自伸者委監察  
並行糾察欽此尋思得

國家如此明誠猶然未絕害民之弊且如在外軍民拋下田桑園圃水  
陸事產省部符文令諸色戶計依鄉原例出納租課射佃  
此等事產各處親民官吏鄉司里正主首并在官一切人  
等不充外佃云云出備租課中間情弊多端以致在外軍  
民畏避官司權勢不能還業此弊不革害民非淺合无遍  
下諸路京府州縣將逃戶事產止令无力貧民射佃似為  
防奸革弊使遠近年分在外戶計積負其子却歸閭里軍  
民按堵如故則无逋流之患此端事理似為官民兩便乞  
奉旨施行

前件戶部公議得擬在逃軍民戶拋下地土事產擬合召諸  
色戶計種田依鄉原例出納租課无令親民官吏豪勢之家  
射佃似為相應

**相收逃戶**

至元十九年

月

御史臺承奉

中書省劄付近換戶

部呈取勘到隨路在外民戶事 都省若不從實照會恐各路供報  
戶數不实難便施行除已行下戶部檢照差科文卷從實照勘的逃  
戶數行移各道按察司更為追照体察相同憑准回牒保結申部得

禁約无致漏行村鄉取會因而生事動搖輟擾亦不得將實逃戶數  
隱匿見在監申仍令各路着緊招收復業欽依先奉

聖旨存恤其招到戶數每月一次申部及移咨安西行省依上施行仰行  
下各道嚴禁司照會吏為糾察施行